

*Мален кынелмекет, моло пашам ышташ тўналмет деч ончыч, чылам Ашныше, Чылам Ужшо Юмо ончылан, Юмо деч лўдын, Юмын шинча ончылно шогымо гаяк, Юмым чон дене шонен шогал да тыге ойлен кумал:*

Ачан, Эргын, Святой Шўлышын лўмеш. Аминь.

#### **Мытарьын молитваже**

Юмо, мыйым, языканым, чамане. *(Онъм ырслен, кумалына.)*

#### **Тўналтыш молитва**

Господь Иисус Христос, Юмын Эргыже, Пеш Яндар Шке Аватын, чыла святой-шамычынат кумалмышт верчын мемнам серлаге. Аминь.

Тау Тыланет, мемнан Юмына, тау Тыланет.

#### **Святой Шўлышлан молитва**

Пылпомышсо Кугыжа, Чынлан туныктен йывыртыктыше Шўлыш, Тый чыла вере улат, чыла ситарет, керек-могай порылыкат Тый дечет лектеш, илышым Тый пуэт, кўргышкына толын пурен иле, чыла осал дечат мемнам эрыкте, Поро Юмо, мемнан чоннам утаре<sup>1</sup>.

#### **Трисвятой**

Святой Юмо<sup>2</sup>, Святой Куатле, Святой Колыдымо, мемнам серлаге. *(Онъм ырслен, 3 гана кумалына.)*

Тау Ачалан, Эргылан, Святой Шўлышлан, кызытат, керек-кунамат, курым-курым мучкак. Аминь.

#### **Эн Святой Троицылан**

##### **молитва**

Эн Святой Троице, мемнам серлаге; Господь Юмо, язык деч мемнам эрыкте; Ашныше Юмо, мемнан осалым ыштымынам кудалте; Святой Юмо, толын, Шке лўмет верчын, черна деч мемнам паремде.

Юмо, серлаге. *(3 гана.)*

Тау Ачалан, Эргылан, Святой Шўлышлан, кызытат, керек-кунамат, курым-курым мучкак. Аминь.

#### **Господь Юмылан молитва**

Пылпомышто улшо мемнан Ачана! Тыйын лўмет мокталтше, Тыйын Кугыжанышет толжо, Тыйын эрыкет мланде ўмбалнат Пылпомышсо гаяк лийже. Мемнан илышаш киндым, тачылыкым, мыланна пу; кудалте мемнан

язык-шамычнам, весе-шамычын мыланна ыштыме языкыштым кудалтымына гаяк; языкышке мемнам ит пурто, осал дечын мемнам утаре.

### **Троичный тропарь-влак**

Поро Юмо, мален кынелмекына, ме Тыланет сукен кумалына, Кугу куатан Юмо, ме Тыланет суксо мурым мурена: Святой, Святой, Святой улат Тый, Юмо, Шке Аватын сөрвалымыж дене мемнам серлаге.

Тау Ачалан, Эргылан, Святой Шүлышлан.

Юмо, Тый мыйым вакшыш гыч, малыме верем гыч кынелтышыч, ынде мыйын ушем ден шүмем яндарым ыште, мыйын умшам поч; вара, Святой Троице, мый Тыланет мурем: Святой, Святой, Святой улат Тый, Юмо, Шке Аватын сөрвалымыж дене мемнам серлаге.

Кызытат, керек-кунамат, курым-курым мучкак. Аминь.

Вучыдымо годым Юмо судитлаш толеш, керек-көнат пашаже койын шогышо лиш, Туддеч лұдын, пелйұдым кынелын сөрвалена: Святой, Святой, Святой улат Тый, Юмо, Шке Аватын сөрвалымыж дене мемнам серлаге.

Юмо, серлаге. *(12 гана.)*

### **Эн Святой Троицылан**

#### **МОЛИТВА**

Святой Троице, мален кынелмекем, мый Тыланет таум ыштем, Тый шуко порылыкеш, шуко чытышет дене мыйын өрканымемлан, языкемлан шыч шыдешке, закондымо паша-шамычем верчынат мыйым шыч йомдаре, эре айдемым йөрәтен шогыметым веле ончыктен, мыйым, шижде кийышым, Тыйын кучышетым эрдене кумалын мокташ кынелтышыч. Тыйын мутетлан тунемаш, Тыйын күштыметым умылаш, Тыйын эрыкетым шукташ ынде кызыт мыйын ушем шинча гае поч, мыйын йылмем лывырте; вара мый Тыйын нерген көргө шүмем дене мурем, Тыйын чыла деч коч Святой лүметым мурен чапландарем: Ачаным, Эргыным, Святой Шүлышыным, кызытат, керек-кунамат, курым-курым мучкак. Аминь.

Толза, мемнан Ашныше Юмылан кумалына. *(Оңым ыреслен, кумалына).*

Толза, мемнан Ашныше Христос Юмылан сукен кумалына. *(Оңым ыреслен, кумалына).*

Толза, мемнан Ашныше Христос Юмылан Шкаланжак сукен кумалына. *(Оңым ыреслен, кумалына).*

### **50-ше псалом**

Юмем, Шкендын кугу кумылет дене мыйым серлаге, шуко порым шонымет дене осалем дечын мыйым эрыкте. Осалем дечын чарныдеак мушкын, языкем дечын мыйым эрыкте; осалым ыштымем мый шинчем, мыйын языкем эре ушыштемак коштеш. Тыйын ончылнет языком ыштенам. Тыйын шинчат ончылно осал пашам ыштенам, Тыйын каласымет раш, языкем верчын мыйым

судитлымет төрак. Авам мыйым языкеш иландарен, мый шочмем годымак яндар шочын омыл. Тый чон дене көргыштө төр шонымым йөрәтәт, пален шуктыдымо Тыйын законетым мыланем умылтарен туныкто. Тый, иссоп вынык дене мыйын үмбакем шыжыктен, мыйым эрыкте. Мыйым мушкын, лум дечат чот ошым ыште. Куанышашлык, йывыртышашлык шомакым мыланем колыкто; Тый дечат лүдшө луэм йывыртыкте; мыйын язык-шамычем Тыйын шинчат ынже ончал, чыла осалым ыштымем дечын мыйым эрыкте. Юем, мыйын чонем эрыкте, мыйын көргешем төр уш-акылым угычын ыште. Чурий ончычет мыйым ит кудалте. Мый дечем Святой Шүлышетымат шупшын ит нал. Утаралтшашлыкым, йывыртышашлыкым пу, ашныше Шүлышет дене мыйым пенгыдемде. Вийым пуымекет, осалым ыштыше-шамычым Тыйын корнетлан туныктынем ыле, языкан-шамыч Тый декет савырнат ыле; Юем, вүр йоктарыме орлык дечын мыйым утаре. Утарыше Юем, мыйын йылмем Тыйын чын ослан куана. Господь, мыйын умшам почат гын, Тыйын кугу лүметым чапландарем ыле. Мый чоклынем гынат, Тый чоклымым от йөрәте, чоклен йүлалтымымат от йөрәте, чоклымо олмеш чон дене шортын шонышым Юмо йөрәтә; чон дене шортын шонышым, толашен нойышым Юмо кудалтен ок кодо. Юмо, Шке порылыкәт дене Сион калыклан порым ыште, Иерусалим олан пырдыжшым нөлтәл, тунам вара презе-шамычым чоклымо олмеш төр шонен улдымым йөрәтәт.

### **Үшанымашын символжо**

<sup>1</sup>Үшанем чыла кучен Ашныше ик Ача Юмылан, пылпомышым, мландым, чыла ужмынам да уждымынам Пүрышылан. <sup>2</sup>Юмо дечын шочшо Иктак веле Юмын Эргыже Господь Иисус Христослан, чыла курым дечат ожно улшо Ача Юмо дечын шочшылан. Волгыдо гычын лекше Волгыдо улмыжлан. Чын Юмо дечын шочшо пүрыдымө чын Юмо улмыжлан, Ачаж дене иктак улмыжлан, Тудын чыла пүрымыжлан. <sup>3</sup>Мемнан верчна, айдеме-шамычым, мемнам, утарышаш верч, Пылпомыш гычын волен, Святой Шүлышын куатше дене Мария лүман Үдыр дечын капан айдеме лиймыжлан инанем. <sup>4</sup>Понтий Пилат улмо годым мемнан верчна ыресеш пудалалтме орлыкым чытен колымыжлан, тойымылан, <sup>5</sup>Юмын законышто каласыме гаяк, кумшо кечын ылыж кыңелмыжлан. <sup>6</sup>Пылпомышко күзен каен, Ача Юмын пурла могыреш шичмыжлан инанем. <sup>7</sup>Илыше айдеме-шамычым, колышо айдеме-шамычымат судитлаш кугу чап дене вес гана толшашыжлан, Тудын Кугыжанышыже пытышашлык огыллан. <sup>8</sup>Адак Святой Шүлышын Илымашым пүрышө Юмо улмыжлан, Ача Юмо гычын лекмыжлан. Ача да Эрге Юмо дене иквереш мөктен кумалаш күлмылан. Пророк-шамыч гоч Тудын ойлымыжлан. <sup>9</sup>Апостол-шамычын мланде үмбалне чыла иктеш туныктен кодымо Святой Черкылан. <sup>10</sup>Язык гычын эрыкталтшаш верч ик гана веле тынеш пурышашлан инанем. <sup>11</sup>Үшанен вучем колышо айдеме-шамычын ылыж кыңелшашыштым, <sup>12</sup>курымеш илышашымат. Аминь.

**1-ше молитва —  
святой Макарий Великийын**

Юмо, мыйым языкем дечын эрыкте, мый Тыйын ончылнет нигунамат порым ыштен омыл гынат, осал дечын мыйым утаре. Тыйын эрыкетат мыйын көргыштем лийже, мый вара йörдымö умшам титаклыме деч лүүдде почам да Тыйын святой лүметым моктем: Ачаным, Эргыным, Святой Шүлышыным, кызытат, керек-кунамат, курым-курым мучкак. Аминь.

**2-шо молитва —  
тудо святойынак**

Утарыше Юмо, мален кынелмекем, мый Тыланет пелйүд мурым мурен кумалам, сукен возын сөрвалем: мыйын малымем годым языкем дене колаш эрыкым ит пу. Шке эрыкет дене пудалалтше, мыланем Шке шуко порылыкетым пу, мыйым öрканен кийыма гыч куштылгын кынелте, Тыйын ончылнет шогымаштат, кумалмаштат мыйым утаре; Христос Юмо, йүд омо деч вара мыланем языкдыме кечым волгалтаре, мыйым утаре.

**3-шо молитва —  
тудо святойынак**

Айдемем йöратыше, Ашныше Юмо, мален кынелмеке, полышым мый Тый дечет йодам, Тыйын поро кумылет дене, Тыйын пашатым ышташ шонен, Тыйым сөрвалем: чыла жапыштат, чыла пашаштат мыланем полшо, тўнямбалсе тўрлö осал дечын мыйым утаре. Иян ондалымыж дечат арале, Шке курымаш Кугыжанышышкет пурто. Тый мыйым Шке пўренат, Тый чыла сайлан Туныктен шогышо да Пуышо улат, мыйын чыла ўшанымашем Тый улат. Тыланет таум ыштем кызытат, керек-кунамат, курым-курым мучкак. Аминь.

**4-ше молитва —  
тудо святойынак**

Господь Юмем, Тыйын шуко порылыкет да шуко чаманымет дене кодшо йүд жапым осал толаштарыме деч посна эрташ мыланем пуэнат; Тый Шке, чыла Пўрышö, Ашныше Юмо, чын волгыдет дене да яндарештше шўмем дене Тыйын эрыкетым шуктен шогаш полшо, кызытат, керек-кунамат, курым-курым мучкак. Аминь.

**5-ше молитва —  
святой Василий Великийын**

Чылам кучен Ашныше Господь, тўрлö капанын да куат-влакын Юмыжо, кўшнысö илыше да шкеныштым изилан ужшо-влакымат ончышо, шўм-чоным тергыше, айдемын көргö шонымашыжым ончылгочак палыше, Тўнгалтышдыме да Пытыдыме Волгыдылык, Тудын вапталтышыже уке. Колыдымо Кугыжа, кызытсе жапыште кумалмынам шуко порылыкет дене Шкеак йöратен нал, шакше умшана дене йодына: паша дене, шомак да шонымаш дене, пален да

палыде ыштыме языкнам кудалте; түрлө лавыра деч мемнан чоннам, капнам эрыкте. Эре ямде лийше шүм дене, айык шонымаш дене кызытсе илышын пычкемышыжым эрташ Тыйын Ик шочмо Эргыч, Господь да Юмо, да мемнам Утарыше Иисус Христосын волгыдо да чылалан палыме кокымшо гана толшаш кечыжым вучышо-влаклан пу. Тудо кечын кажныжлан пашаж дене пуаш чылам Судитлыше чапше дене толеш; да языкланыде, йолагайыш кайыде, но эре ямде лийын шоген, Юмын Куанже дене темына да Тудын чап пörтышкыжö пурена. Тушто пайремлыше-влакын чарныдыме йүкышт шокта, да Тыйын чуриетын каласен моштыдымо порылыкшым ончышо-влаклан каласен моштыдымо куан лиеш. Тый вет чын Волгыдо улат, чылам волгалтарыше да святитлыше, да илаш пүрымö чыла чонанже Тыйым моктен мура да чапландара курым-курым мучкак. Аминь.

**6-шо молитва —  
тудо святойынак**

Тыйым моктена, күшнысö Юмо да поро кумылан Господь, Тый эре мемнан дене кугу да шымлен шуктыдымым, чаплым да чот лүдыктышым шотлен пытарыдыме гана ыштет, шуко паша дене нойышо капланна канашыже йүд омым пуэнат. Тыланет таум ыштена, закондымылыкна верч мемнам пытарен отыл, но, молыгунамсе гаяк айдемым йöратыметым ончыктен, мемнам, нимом шижде кийышым, Тыйын Кугыжанышетым моктен мураш кынелтенат. Адак Тыйын висен кертдыме порылыкетым сөрвален йодына: мемнан шонымашнам, шинчанам волгалтаре, ушнам йолагайланен малыма гыч кынелте; мемнан умшанам поч, Тыйым моктымаш дене тудым теме, да калык ончылно ойлена ыле, лүдде мурена ыле Тыланет, чыла дечат моктымо Юмылан: Түнгалтышдыме Ачалан, Тыйын Ик шочмо Эргычлан, да Иландарыше Эн Святой да Поро Шүлышетлан, кызытат, керек-кунамат, курым-курым мучкак. Аминь.

**7-ше молитва —  
Юмын Эн Святой Аважлан**

Моктен мурем Тыйын поро пүрымашетым, Владычице, мыйын ушемем поремдаш сөрвален йодам. Христосын күштымыжö-влак почеш тör ошкылаш мыланем полшо. Шүлыккан омым поктен колтышо мурым эреак мураш пенгыдемде. Языкеш варнен пытенам, Шке кумалмет дене, Юмылан ойырен налме Ёдыр, мыйым утаре. Йүдымат, кечывалымат мыйым арале, ваштареш шогышо тушман деч утаре. Илышым пуышо Юмым Шочыктышо, мыйым, күлдымаш паша дене пуштмым, ылыжте. Кас огыл Волгыдым шочыктышо, сокыр гае лийше чонем волгалтаре. О, Ашныше Юмын öрыктарыше палатыже, мыйым Юмын Шүлышын пörтшым ыште. Эмлышым Шочыктышо, шуко ий күлдымаш пашам ыштыме чер деч мыйын чонем паремде. Мыйым, илыш толкын дене лүнгалтшым, язык касарыме корныш вктаре. Курымашлык тул деч, осал шукш деч, тамык деч мыйым утаре. Йонгылыш пашам шуко ыштымемлан көра осаллан куанашыже мыйым ит пу. Мыйым, языкеш

тоштемшым, у айдемым ыште. Эн Языкдыме, мыйым түрлө орлык деч кораншым ончыкто да чылам Ашныше Юмым сөрвале. Пылпомышто чыла святой-влак дене пырля куаным ужаш полшо, Пеш Святой Ёдыр, нимолан йордымө айдеметын йукшым кол. Мыйын чонем лавыра деч эрыктышашлан, Пеш Яндар, шинчавүд йогыным мыланем пу. Шум гыч лекше сөрвалымашым Тыланет чарныдегеч кондем, Ашныше Юмын Аваже, чамане. Мыйын кумалмем йоратен нал да поро кумылан Юмылан намиен шукто. Суксо-влак дечат Күшнө Улшо, туня дене ушнымо дечын күшнырак лияш полшо. Пылпомышсо волгыдым кондышо Леведыш, Юмын порылыкшым мый декем виктаре. Эн Языкдыме, Тыйым мокташ кидем нөлталам да умшам почам, умбакына лавыра пижын пытен. Христосым уло шум дене сөрвален, чоным пужышо шапшак деч мыйым утаре; Тудлан чап мурым мурым да кумалман, кызытат, керек-кунамат, курым-курым мучкак. Аминь.

#### **8-ше молитва —**

##### **мемнан Иисус Христослан**

Шуко чаманыше, Чылам чаманыше мыйын Юмем, Господь Иисус Христос, шуко йоратымет да чылам утарышаш верч воленат да капан лийынат. Адак, Утарыше, Тыйым сөрвалем, поро пурымашет дене мыйым утаре; поро ыштымем верч утарет гын, тиде поро пурымаш да полек огыл, но шукыжо парым. Эй, шуко порылыкан, каласен моштыдымо чаманыше! Христос Юмем, мыланем ушаныше ен илыше лиеш да курымеш колымашым ок уж, манын каласенат. Тыланет инанымаш ушаным йомдарышымат утара. Инанем, утаре мыйым, Тый вет мыйым Ыштыше Юмем улат. Инанымем пашам олмеш лийже ыле, мыйын Юмем, вет мыйым чыныш лукшо пашам иктат уке. Тудо инанымем чыла олмеш ситыже ыле, тудо вашештыже ыле, тудо мыйым чыныш лукшо ыле; тудо мыйымат Тыйын курымаш чапетын причастникшым ыштыже ыле. Юмын мутшо деч, куанашыже, мыйым сатана ынже шольшт ыле, Тыйын кидет деч да аралтышет деч ынже коранде ыле; но утлынем гынат, уке гынат, мыйым утаре, мыйын Христос Утарышем, вашке ваштарешем лек, вашке пытем. Тый вет авамын көргыштыжө улмем годсекак мыйын Юмем улат. Кузе ондак языкым йоратенам, ондалчык сатаналан ыштенам, тугак ынде Тыйым йораташ да өрканыде, кыртмен Тыланет пашам ышташ вийым пу; кажне илыме кечыштем Тыланет, мыйын Иисус Христос Господемлан да Юмемлан, шукырак да шукырак пашам ышташ тунгалам, кызытат, керек-кунамат, курым-курым мучкак. Аминь.

#### **9-ше молитва —**

##### **аралыше Суксылан**

Мыйын осал чонем воктене да вожылдымын илымаштем шогышо святой Суксо, чытыде илымемлан верчын мыйым кудалтен ит кодо, мый дечем, языкан деч, ойырлен ит кае, колышашлык тиде капем осал иялан кидышкыже виеш налаш эрыкым ит пу; орлыкым чытыше осал кидемат куатаным ыште, утаралтшашлык корнылан мыйым туныкто. Мыйын осал чонем ден капемат

левед оролышо Юмын святой Суксыжо, тиде илымаштем кажне кечын тыйым сырыктымем, эртыше тиде йӱдым ыштыме языкемат чыла кудалте, проститле, таче кечын мыйым левед, иян чыла түрлӱ осалышке пуртымж дечын мыйым арале, нимогай язык денат Юмым сырыкташ ынже лий, Юмо дечын лӱдын, Юмылан йӱршын сайын илаш мыланем куатым пуыжо манын, мыйын верчем Юмылан кумал. Аминь.

### **10-шо молитва — Юмым**

#### **Шочыктышо Эн Святой Авалан**

Юмым Шочыктышо Эн Святой Ава, Шкендын пеш куатан святой кумалмет дене мыйын, ӱнгышӱ да осал айдеметын, йӱрдымӱ кӱргем гыч, пычкемышалтше ушем гычат ойгым, мондымым, умылен моштыдымым, ӱрканымым, чыла түрлӱ шапшак, осал да мыскылтыш шонымым поктыл колто. Вожылмаш пашалан ылыжмем йӱртӱ, вет мый кӱчызӱ да шудалме улам. Шуко түрлӱ да вожылтарыше шарнымаш, осалым ышташ шонымо да түрлӱ осал паша деч мыйым утаре. Чыла тукым дечат утла Тый эн поро пӱрымашан улат, Тыйын чапле лӱмет курым-курым мучкак мокталтеш. Аминь.

#### **Святой угодниклан**

*(кӱн лӱмжым нумалына)*

#### **молитва**

Юмылан йӱршӱ святой (*лӱмжӱ*), Тый мыланем вашке полшышо, чонем верчынат кумалше улат. Сандене мый Тыйым уло чонем дене йодам: мыйын верчем Юмым сӱрвале.

#### **Эн Святой Юмынавалан муро**

Юмым Шочыктышо Ӱдыр, йывырте, Поро Пӱрымашан Мария, Тый денет Юмо; чыла ӱдырамаш дечат утла Тый поро пӱрымашан улат, Тый дечат Шочшат поро пӱрымашан, вет мемнан чоннам Утарышым Тый шочыктенат.

#### **Ыреслан тропарь<sup>1</sup>**

**да шочмо мланде верч молитва**

Юмо, Шке калыкетым утаре, Шкендын чыла түрлетланат порым пӱрӱ, мыланна, чын верам пагалышылан, сенгышашлык вийым пу, Ыресетын куатше дене калыкетым арален ашне.

#### **Илыше-влак верч молитва**

Юмо, мыйын духовный ачам (*лӱмжӱ*), ача-авам, родо-тукымем, туньктышем, поро ыштыше-влакем (*лӱмышт*) да Юмылан чыла инаныше-влакым утаре да серлаге.

#### **Кольшо-влак верч**

**молитва**

Господь Юмо, колышо чыла Шке тарзет-влакын чоныштым тынысландаре: ача-аванан (*лүмышт*), родо-тукымнан (*лүмышт*), поро ыштыше-влакнан (*лүмышт*) да чын верам кучышо чыла енын эрык дене, эрык деч посна ыштыме тюрлө языкштым кудалтен, Шке Кугыжанышышкет пуртен ашне.

**Пыгартыш молитва  
(Достойно есть...)**

Тыйым, мемнан Юмым Шочыктышо Авам, Сулыкдымым, курым-курымак Пиаланым, чынак мокташ күлеш. Херувим-шамыч дечат утла пагалышашлык лийынат, Серафим-шамыч дечат тангастарыдыме чапле лийынат, Тыйым, чынак Эрге Юмым языкдеак шочыктышо Авам, кугу улат манын моктена<sup>1</sup>.

Тау Ачалан, Эргылан, Святой Шүлышлан, кызытат, керек-кунамат, курым-курым мучкак. Аминь.

Юмо, серлаге (*3 гана*).

Господь Иисус Христос, Юмын Эрге, Эн Яндар Тыйын Аватын, преподобный<sup>2</sup> да Юмым шке көргыштышт нумалше ача, да чыла святой-влакын кумалмышт дене мемнам серлаге. Аминь.

Ачан, Эргын, Святой Шүлышын лүмеш. Аминь.

Господь Иисус Христос, Юмын Эрге, Эн Яндар Тыйын Аватын, преподобный да Юмым шке көргыштышт нумалше ача, да чыла святой-влакын кумалмышт дене мемнам серлаге. Аминь.

Тау Тыланет, мемнан Юмына, тау Тыланет.

**Святой Шүлышлан молитва**

Пылпомышсо Кугыжа, Чынлан туныктен йывырътыктыше Шүлыш, Тый чыла вере улат, чыла ситарет, керек-могай порылыкат Тый дечет лектеш, илышым Тый пуэт, көргышкына толын пурен иле, чыла осал дечат мемнам эрыкте, Поро Юмо, мемнан чоннам утаре.

**Трисвятой**

Святой Юмо, Святой Куатле, Святой Колыдымо, мемнам серлаге. (*Онум ырслен, кум гана кумальна.*)



Тау Ачалан, Эргылан, Святой Шүлышлан, кызытат, керек-кунамат, курым-курым мучкак. Аминь.

### **Эн Святой Троицылан молитва**

Эн Святой Троице, мемнам серлаге; Господь Юмо, язык деч мемнам эрыкте; Ашныше Юмо, мемнан осалым ыштымынам кудалте; Святой Юмо, толын, Шке лүмет верчын, черна деч мемнам паремде.

Юмо, серлаге. *(3 гана.)*

Тау Ачалан, Эргылан, Святой Шүлышлан, кызытат, керек-кунамат, курым-курым мучкак. Аминь.

### **Господь Юмылан молитва**

Пылпомышто улшо мемнан Ачана! Тыйын лүмет мокталтше, Тыйын Кугыжанышет толжо, Тыйын эрыкет мланде үмбалнат Пылпомышсо гаяк лийже. Мемнан илышаш киндым, тачылыкым, мыланна пу; кудалте мемнан язык-шамычнам, весе-шамычын мыланна ыштыме языкыштым кудалтымына гаяк; языкышке мемнам ит пурто, осал дечын мемнам утаре.

### **Тропарь-влак**

Мемнам серлаге, Юмо, мемнам серлаге; ме, сулыкан-шамыч, шкенам чыныш лукташ ик мутымат пуэн огына керт да мемнам Ашнышым тыге манын сөрвалена: Юмо, мемнам серлаге.

Тау Ачалан, Эргылан, Святой Шүлышлан.

Юмо, мемнам серлаге, ме Тыланет ўшанен илена, мыланна чот ит шыдешке, закондымылыкнам ушыштет ит кучо, Шке поро шүман улмет дене кызытат мемнам чаманен ончо, тушман-шамыч деч утаре; Тый мемнан Юмына улат, ме Тыйын айдемет-шамыч улына, чыла Тыйын пүрымет-шамыч улына, Тыйын лүметым каласен йодына.

Кызытат, керек-кунамат, курым-курым мучкак. Аминь.

Юмым Шочыктышо поро пүрымашан Ёдыр, чаманымаш кумылетым мыланна поч, мемнам, Тыланет ўшаныше-шамычым, ит йомдаре, Шке полшен, ойгына гыч утаре. Христослан ўшанен илыше калык-шамычым утарыше Тый улат.

Юмо, серлаге. *(12 гана.)*

### **1-ше молитва – Ача Юмылан, святой Макарий Великийын**

Курымаш Юмо да чылам пүрышө Кугыжа, тачысе кече марте илаш пуэнат! Кудалте мыйын языкем-шамычым, кудым мый тиде кечын паша дене, шомак дене да шонымаш дене ыштенам. Господь, мыйын ўнышө чонемым кап-кылын да чонын түрлө лавыраж деч эрыкте. Юмо, мыланем толшаш йүдым сайын да ласкан эртараш пу, да, шкемын нужна малыме верем гыч кыненын, шкемым

илыме чыла кечыштемат Тыйын Эн Святой Лүметлан йөршым ыштем да мыйын үмбакем кержалтше капан да капдыме тушман-влакым сенем. Юмо, амыртыше күлдымө шонымаш деч да шала койыш деч мыйым утаре. Тыйын вет Кугыжанышет, куатет, кугу чапет, Ачан, Эргын, Святой Шүлышын, кызытат, керек-кунамат, курым-курым мучкак. Аминь.

**2-шо молитва —  
мемнан Иисус Христос Юмылан,  
святой Антиохын**

Чылам кучен Ашныше Ачан Мутшо, Иисус Христос, Шке чыла ситарыше, Тыйын шуко чаманымет дене нигунамат мый дечем, шке кулет деч, ит коран, но эре мыйын көргыштем лий. Иисус, Тыйын шорыкет-влакын поро күтүчжө, ваштареш шогалше кишкылан мыйым ит пу да сатанан шонымашыжлан мыйым ит кодо, вет мыйын көргыштем колымашын пырчыже уло. Господь Юмо, Тыланет кумалына, Святой Кугыжа, Иисус Христос, чарныде йүлышө волгыдет дене, Тыйын Святой Шүлышет дене малымем годым мыйым арале. Юмо, мыланемат, Тыйын нимолан йөрдимө кулетлан, мыйын малыме верыштем Шке утарымашетым пу; Тыйын святой Евангелиетым умылымашын волгыдыж дене мыйын ушем волгалтаре, мыйын чонем Тыйын Ыресетым йөратымаш дене авалте, шүмем Тыйын яндар шомакет дене, мыйын капем Тыйын Шке кумылын, өпкелалтде орланымет дене волгалтаре, мыйын шонымашем Тыйын үнгышет дене арале да мыйым күлешан жапыште Тыйым чапландараш кынетте. Вет Тый Түнгалтышдыме Тыйын Ачат дене да Эн Святой Шүлышет дене курымеш кугун чапландарыме улат. Аминь.

**3-шо молитва —  
Эн Святой Шүлышлан**

Господь Юмем, Пылпомышсо Кугыжа, Чынлан туныктен йывыртыктыше Шүлыш, Тыйын языкан айдеметым, мыйым, чамане да серлаге, да тиде кечыште айдеме семын, да, эше айдеме семын веле огыл, вольык деч ударак койышым ончыктен, шке эрык дене, эрык деч посна, пален да палыде ыштыме, кудыжым изием годсек да осал туныктымаш верч, кудыжым вожылдымаш да ўшаным йомдарымаш верч ыштыме языкем-шамычым касарен колто. Але Тыйын лүмет дене товатленам, але шке шонымаштем Тудым мыскыленам, але иктаж-көлан өпкелен каласенам, але иктаж-көн лүмжым сырымем дене амыртен каласенам, але ойгандаренам, але иктаж-молан сыренам, але ондаленам, але жап деч утым маленам, але мый декем толшо күчызым ончен омыл, але шке изамым ойгандаренам, але вурседалмашым тарватенам, але иктаж-көм вурсенам, титакленам, але шкемым кугуэш ужынам, але кугешненам, але шыдешкенам, але кумал шогымем годым ушем дене түнясе ондалымаш нерген шоненам; але шакше шонымашем лийын, але утым кочкинам, але утым йүынам, але уш деч посна воштылынам, але осалым шоненам, але енын порыжым ужын, шүмышкем көранымаш пурен, але күлдымашым ойленам, але иза-шольо-шамычын языкыштым воштылынам, а вет шкемым языкемже шотлен

пытарыдыме, але өрканен кумалынам, але моло осал пашам ыштенам, кудыштым монденам, чыла ниным ыштенам, да тиддечат шукурак ыштенам. Чыла Кучышо, мыйым Пүрышö Юмем, ұшаным йомдарышым да нимолан йордымö Тыйын айдеметым чамане да кодо, да колто, да мыйым серлаге, Тый вет поро да Айдемым йоратыше улат, да тыныс дене возам, мален колтем да канем, курваланыше, языкан да нимолан йордымö, да сукен кумалам, мурем, да Тыйын эн сай лүметым Ача да Тудын Ик Шочмо Эргыж дене пырля чапландарем, кызытат, керек-кунамат, курым-курым мучкак. Аминь.

**4-ше молитва —  
святой Макарий Великийын**

Илышлан чыла пуышо Колыдымо Кугыжа, мом Тыланет кондем да мом Тыланет пörтылтен кертам, кумылын пуышо да Айдемым йоратыше? Юмо, Тыланет йөраш төчен омыл, өрканенам да нимогай порымат ыштен омыл, а Тый, мыйын чонемым утараш манын, тачысе эртен кайыше кече мучашке мыйым кондышыч. Мыйым, языканым да чыла поро паша деч чара улшым, чамане, пытыдыме лавыран пашаш амыргыше, языкыште кийыше чонем нөлтал, тиде ужмо илышын осал шонымашыжым мый дечем коранде. Мыйын языкем проститле, Тый вет Икте Языкдыме улат; тачысе кечын пален, палыде, мут дене, паша дене, чыла шонымаш дене Тыйын ончылнет ыштыме языкем кудалте. Тый Шке мыйым түрлө ваштареш шогымаш деч Тыйын Юмын властет дене, айдемым каласен моштыдымын йоратымет да куатет дене левед арале. Эрыкте, Юмо, эрыкте мыйын шуко языкем. Порылыкеш шүдö, Юмем, осал вапш дечат мыйым коранде, мыйын языком йоратыше чонем утаре да, Шке Чапет дене толмеке, Шке волгалтше түсет дене мыйым волгалтаре, титак деч посна мален колташ таче йүд омым пу, осал шонымаш деч, öрыктарыше шонкалымаш деч Тыйын айдеметым арале, чыла осалын папажым мый дечем коранде, шүм-көргö шонымашын шинчажым волгалтаре да мален колтен колаш ит пу. Тыныс Суксетым, чонем ден капемым аралышым да вуйлатышым, мый декем колто, мыйым тушман-влак деч утаре, да, малыме верем гыч кынелмеке, Тыланет тауштен кумалам. Эй, Господь, мыйым, языканым да незерым, Шке кумылет да чон яндарлыкет дене колышт; мален кынелмекем Тыйын мутетлан тунемаш ушым пу да ойгандарыше осал шүлышым мый дечем умбаке поктен колташ Суксо-влаклан шүдö; да Тыйын святой лүметым порын моктем да чапландарем, да Юмым Шочыктышо Авам, Эн Яндар Мариям, чапландарем, Кудым мыланна, сулыккан-влаклан, аралтышлан пуэнат, да Тудым, мемнан верч кумалшым, кол; палет вет, Тудо Тыйын айдемым йоратымет семын ышта да кумалмым ок чарне. Тудын аралымыж дене да Чот Жаплыме Ыресын палыжым пыштыме дене, да Тыйын чыла святой-влакет верч мыйын незер чонем арален кодо, мемнан Иисус Христос Юмына. Тый вет курым-курымеш Святой да моктымо улат. Аминь.

**5-ше молитва**

Поро да Айдеммым йөрәтыше мемнан Господь Юмына, тачысе кечын мут дене, паша дене ыштыме языкем проститле. Ласка да тыныс омым мыланем пу. Чыла осал деч аралаш святой Суксетым мыланем колто. Тый вет чонем ден капемым аралыше улат, Тыланет таум ыштена, Ачалан, Эргылан да Святой Шүльшлан, кызытат, керек-кунамат, курым-курым мучкак. Аминь.

#### **6-шо молитва**

Мемнан Господь Юмына, ме Тыланет үшанена. Тыйын лүметым чыла лүм дечат утла кугулан шотлен йодына. Малаш вочмо годым чон ден каплан ласка омым пу, а күлдymаш шем шонымашым коранде. Кап ажгынаш тўнгалмеке, яжар шонымашым чаре. Кап ден чонлан яндар илымашым пу. Поро илыш корныш шогалын, Тыйын поро пўрымашет деч огына ойырло. Тыланет таум ыштена курым-курымеш. Аминь.

#### **7-ше молитва —**

#### **святой Иоанн Златоустын**

*(24 молитва, кечын да йўдын шагатше улмо семын)*

<sup>1</sup> Юмо, пылпомышсо Шке порылыкет дечын мыйым ит кодо. <sup>2</sup> Юмо, курымаш орлык дечын мыйым утаре. <sup>3</sup> Юмо, уш дене, шонымаш дене, шомак да паша дене ыштыме языкем кудалте. <sup>4</sup> Юмо, мыйым палыдымаш да мондымаш деч утаре, чон нужналыкым коранде, пешкыде кумылем пушкыдемде. <sup>5</sup> Юмо, керек-могай алгаштарымаш дечын мыйым арале. <sup>6</sup> Юмо, осал шонымаш дене пычкемышалтше шўмем волгалтаре. <sup>7</sup> Юмо, мый сулыккан айдеме улам, Тый чаманыше Юмо улат, мыйын вийдыме чонемым ужын, мыйым серлаге. <sup>8</sup> Юмо, мыланем Тыйын святой лүметым моктышашлык поро пашам ышташ вийым пу. <sup>9</sup> Иисус Христос, курымаш илыш книгаш мыйым, Шке кулетым, возо, порын колышашым мыланем пу. <sup>10</sup> Господь Юмем, Тыйын ончылнет ыштыме мыйын ик поро пашамат уке, Тый мыланем поро кумылет дене поро пашам тўнгалаш вийым пу. <sup>11</sup> Юмо, мыйын кумылем Шке поро кумылет дене пушкыдемден святитле. <sup>12</sup> Пылпомышым, мландым Пўрышö Юмо, мыйым, сулыкканым, вожылтарымым шонышо шакше кулетым, Шке Кугыжанышыштет ит мондо. Аминь.

<sup>1</sup> Юмо, языкым касарыктымем колышт. <sup>2</sup> Юмо, мыйым ит кудалте. <sup>3</sup> Юмо, шыгырыш мыйым ит пурто. <sup>4</sup> Юмо, сай шонымашым мыланем пу. <sup>5</sup> Юмо, колышашлыкым ушышкым пурто, шинчавўдым пу да кумылем пушкыдемде. <sup>6</sup> Юмо, сулыкым касараш мыланем шонымашым пу. <sup>7</sup> Юмо, мыйым ўнгышемде, яндар кумыланым, күштыметым колыштшым ыште. <sup>8</sup> Юмо, мыйым чыгышым, сай чонаным, ўнгышым ыште. <sup>9</sup> Юмо, мыйын көргышкым чыла порылыкын вожшым, Тый дечет лўдмашым шўмышкым шындаре. <sup>10</sup> Юмо, уло чонем дене, уло ушем дене Тыйым йөрәтен, чыла пашам күштымет семын ышташ вийым пу. <sup>11</sup> Юмо, мыйым осал ең-шамыч дечын, ия-шамыч дечын, шакше шонымаш

дечын, керек-могай йӱрдымӱ паша дечын арале. <sup>12</sup> Юмо, Тый Шке кузе шинчет, кузе шонет, туге ыштет, мый денемат, языкан дене, Тыйын эрыкет лийже ыле. Тый курым-курым мучко моктымо улат. Аминь.

#### **8-ше молитва —**

#### **мемнан Иисус Христос Юмылан**

Юмын Эрге, Господь Иисус Христос, Эн Яндар Тыйын Ават верч да капдыме Тыйын Суксет-влак, Пророк да Ончыч кайышет да Тыйым Тынеш пуртышо, Юмо дене мутланыше апостол, волгыдо да порын сенгыше орланыше-влак, преподобный да шке кӱргыштышт Юмым нумалше ача, да чыла святой-влакын кумалмышт дене осалын кызытсе шыгыремдымыж деч мыйым утаре. Мыйым пӱрышӱ мыйын Юмем, языкан ен ынже коло, но савырнен илыше лийже ыле, маньнат. Мыланемат, нимолан йӱрдымылан, шудалмылан, савырнышашым пу; пытарыше кишкын умша гычше мыйым нал, вет тудо мыйым нелаш умшажым почын, илышынек тамыкыш волтынеже. Эй, Юмем, мыйым лыпландарышем, мыйын нимолан йӱрдымӱ улмемлан верч Тый рокыш савырнышаш айдеме капкылым налынат, шудалмаш деч мыйым ойыро да йӱрдымӱ чонемлан лыпланымашым пу. Тыйын шӱдыметым шуктен шогаш, осал паша деч корангаш да Тыйын поро пиалетым налаш шӱмышкем пыште. Тыланет, Господь, ушаненам, мыйым утаре.

#### **9-ше молитва —**

#### **Юмым Шочыктышо**

#### **Эн Святой Авалан,**

#### **Петр Студийскийын**

Тыланет, Юмым Шочыктышо Эн Яндар Ава, мый, йӱрдымӱ, сукен возын кумалам; палет Царице, кузе мый пытыдымын языкым ыштем да Тыйын Эргычым, мыйын Юмем, сырыктем. Шуко гана языкем касарыктем гынат, Юмын ончылно ондалышыш лектам, угыч чытырен ӱкынем, тунамак тудо языкымак ыштем, неужели Юмо мыйым пытара? Тидым пален, Владычице, Юмым Шочыктышо мыйын Госпожам, мыйым серлаге, пенгыдемде да порым ышташ тунькто, Тыйым сӱрвалем. Палет, Юмым Шочыктышо мыйын Владычицем, осал пашам ыштымем ужмемат ок шу, чыла шонымашем дене Юмын законжым йӱратем; но ом пале, Эн Яндар Госпожа, молан кӱлдымым йӱратем, а порыжым ыштынем гынат, ом керт. Эн Яндар, мыйын эрыкемлан шукталташыже ит пу, йӱрдымӱ тудо, но Тыйын Эргычын, мыйын Юмемын, эрыкше лийже ыле; да мыйым утара, ушым, Святой Шӱлышын порылыкшым пуа ыле, вара мый, амырчык паша деч корангын, Тыйын Эргычын ойжым колыштын, кӱштымыжым шуктен илем ыле. Тудлан вет пуыман чыла тӱрлӱ чапым, моктымашым, кучышым да Тӱнгалтышдыме Тудын Ачажлан, да Эн Святой, поро, Илышым пуышо Тудын Шӱлышыжлан, кызатат, керек-кунамат, курым-курым мучкак. Аминь.

**10-шо молитва —  
Юмым Шочыктышо  
Эн Святой Авалан**

Поро пиалан Кугыжан поро пиалан Аваже, Эн Яндар да Порылан пүралтше Мария, Тыйын Эргычын да мемнан Юмынан чаманымыжым мыйын орланыше чонышкем оптал, Тыйын кумалмет дене мыйым поро пашалан кумыланден шого, да моло илышаш кече-влакем язык деч посна эртем да Тыйын полшымет дене райым муам, Юмым Шочыктышо Ёдыр, Икте, Яндар да Порылан пүралтше.

**11-ше молитва —  
аралыше святой Суксылан**

Христосын Суксыжо, тый мыйым аралыше святой, мыйын чонем ден капем левед коштшо улат; мыйын таче ыштыме языкем-шамычым чылажымат кудалте, осал тушманын чыла түрлө ондалымаш гычше мыйым утаре, ик языкем денат Юмем сырыктышашем ынже лий ыле. Мый языкан да йордымө кулет улам гынат, мыйын верчем сөрвале; Пеш Святой Троицын, Господь Иисус Христосын Аважын, чыла святой-шамычынат чаманымыштым, порыштым ужаш йоршым мыйым ыште. Аминь.

**Юмым Шочыктышо Авалан  
кондак**

Юмым Шочыктышо Ёдыр, Тылат, чылам сенгыше Воеводылан, мемнам шыгыр гыч утарыметлан ме, Тыйын йордымө кулет-шамыч, таум ыштена да, Тыйым моктен, Сенымаш мурым мурена. Тый сенгыдыме виет дене мемнам керек-могай ойго гычын утаре. Меат Тыланет тыге каласена: о, Поро Яндар Ёдыр, йывырте.

Христос Юмынан Аваже, Эре Яндар, Пеш Чапле Ёдыр, кумалмынам Шке Эргычлан, мемнан Юмыланна, намиен шукто, Тыйын верчет мемнан чоннам утарыже ыле.

Чыла ўшанымемат мый Тыланет пыштем, Юмын Аваже, мыйым Шке леведышет йымалне арален ашне.

Юмым шочыктышо Ёдыр, мыйым, языканым, Тый дечет полышым да Тыйын аралтышетым йодшым, ит шўкал, Тыланет вет мыйын чонем ўшана, мыйым чамане.

**Святой Иоанникийын  
молитваже**

Мыйын ўшанымашем Ача, мыйын тынысле аралтышем Эрге, мыйым леведшем Святой Шўлыш, Святой Троице, тау Тыланет.

Тыйым, мемнан Юмым Шочыктышо Авам, Сулыкдымым, курым-курумак пиаланым, чынак мокташ күлеш. Херувим-шамыч дечат утла пагалышашлык лийынат, Серафим-шамыч дечат тагастарыдыме чапле лийынат, Тыйым, чынак Эрге Юмым языкдеак шочыктышо Авам, кугу улат манын моктена.

Тау Ачалан, Эргылан, Святой Шүлышлан, кызытат, керек-кунамат, курым-курум мучкак. Аминь.

Юмо, серлаге. (3 гана.)

Господь Иисус Христос, Юмын Эрге, Эн Яндар Тыйын Аватын, преподобный да Юмым шке көргыштышт нумалше ача, да чыла святой-влакын кумалмышт дене мемнам серлаге. Аминь.

### **Святой Иоанн Дамаскинын молитваже**

Айдемым йоратыше Кугыжа, малыме верем колымаш верыш савырет мо, але мыйын шудалме чонем волгыдо кечын волгалтарет? Теве колотка кия, колымаш шога. Господь, Тыйын Судет деч да пытыдыме орланымаш деч лүдам гынат, осалым чарныдеак ыштем: Тыйым, мыйын Господь Юмем да Эн Яндар Тыйын Аватым, Пылпомышсо чыла Вийым да мыйым аралыше Суксем эре сырыктарем. Палем, Господь Юмем, Тыйын айдемым йоратымылыкет ончылно мый йордымө улам, чыла түрлө судитлымаш да орланымаш мыйым вуча. Но, Господь, але утаралтнем, але уке — мыйым утаре. Чыным йоратыше енетым утарет гын, нимо кугу уке, яндарым серлагет гын, нимогай ормаш паша уке, вет нуно Тыйын чаманыметлан йөршө улыт. Но мыланем, языканлан, Тыйын порылыкетым öрыктарен ончыкто; мыйын осалем Тыйын каласен моштыдымо порылыкет ден чаманымашетым ынже сене ыле; тидын верч Тыйын айдеме йоратымашетым ончыкто да, кузе шонет, мылам туге утарымым ыште.

Христос Юмо, мыйын шинчам волгыдемде, колымашлан мален колташ огыл ыле, да тушманем мыйын үмбак чот кержалтынам манын ынже керт.

Тау Ачалан, Эргылан, Святой Шүлышлан;

Юмо, мыйын чонемын аралышыже лий, мый шуко вапш-сетке коклаште коштам; коранде нуным мый дечем да мыйым утаре, Тый вет Айдемым йоратыше, Поро улат.

Кызытат, керек-кунамат, курым-курум мучкак. Аминь.

Юмын Эн Чапле Аважым, святой Суксо-влак дечат Святойракым, шүм да умша дене чарныде мурена, Тудым Юмым Шочыктышо манына. Вет Тудо чынжымак капым налше Юмым шочыктен да мемнан чонна верч чарныде кумалеш.

*Шкендым ыресле, шке ыресетым шупшал, ныл могырыш ыресле да Кугун Пагалыме Ыреслан молитвам луд.*

## Кугун Пагалыме Ыреслан

### МОЛИТВА

Юмо ылыж кыселже, Тудлан осалым шонышо-шамыч йомын пытышт. Тудым ужын кертдыме-шамыч Тудын чурийже деч куржышт. Шикш шаланыме гае шаланен пытышт; Юмым йӧратыше-влакын чурийышт да шкеныштым ыресын палыж дене ыреслыше-влак ончыч осал-шамыч тул дене шыште левыме гае колен пытышт. Юмым йӧратыше-влак йывыртен каласат: куане, Господьын Эн Чапле да Илышым ыштыше Ыресше, Тыйын пеленет пудалыме, тамыкыш вольшо, диаволын куатшым пытарыше мемнан Господь Иисус Христосын куатше дене осалым поктен колто. Тудо вет мыланна Тыйым, Чот Жаплыме Шке Ыресшым, чыла тӱрлӧ тушманым поктен колташ пуэн. О, Господьын Кугун Пагалыме, Илышым ыштыше Ыресше, Святой Госпожа — Юмым Шочыктышо Ёдыр — да чыла святой-влак дене пырля курымеш мылам полшо. Аминь.

### *Але кӱчыкын:*

Юмо, Кугун Пагалыме да Илышым пуышо Шке Ыресетын куатше дене мыйым йыр авыре да чыла тӱрлӧ осал дечын арале.

### Молитва

Юмо, эрык але эрык деч посна, мут але паша дене, шинчен але шинчыде, кечывалым але йӧдым, уш але шонымаш дене ыштыме мемнан сулыкнам лушкыдемде, кудалте, касаре: чылажымат касаре мыланна, Тый вет Айдемым йӧратыше поро кумылан Юмо улат.

### Молитва

Айдемым йӧратыше Юмо, мемнам ужмошудымо да шыгыремдыше-влакым проститле. Поро ыштыше-шамычлан порым ыште. Иза-шольо да родо-тукумлан утаралтшаш верч йодмыштым да курымаш илышым пу. Вийдыме да черле-влак деке толын лек да тӧрланымашым пу. Тензыште улшо-влакымат виктаре. Корныен-влак денат пырля лий. Мыланна служитлыше да мемнам чаманыше-влакылан языкыштым кодышашлыкым пу. Нунын верч кумалаш мемнам, нимолан йӧрдымым, йодшо-влакымат Тыйын кугу чаманымашет дене серлаге. Ондак колышо ача, иза-шольо-влакым, Юмо, шарналте да нуным Шке чурий волгыдет улмо вереш тынысландаре. Пленыште улшо мемнан иза-шольынам, Юмо, шарналте да нуным тӱрлӧ авыралтмаш гыч утаре. Тыйын святой черкыштет саскам кондышо да порым ыштыше-влакымат, Юмо, шарналте да нунылан утаралтшаш верч йодмыштым да курымаш илышым пу. Мемнамат, ӱнгышым, языканым, Тыйын нимолан йӧрдымӧ кулет-влакым, шарналте да мемнан ушнам Тыйын уш-акылетын волгыдыж дене волгалтаре, да мемнам Шке Эн Яндар Аватын, мемнан Юмым Шочыктышо да эреак Ёдыр Мариян да чыла святой-шамычетын кумалмышт дене Тыйын кӱштыметын корнышкыжо виктаре: Тый вет моқтымо улат курым-курым мучкак. Аминь.



## **Чыла кечылаште языкым**

### **почын ойлымаш**

Тылат, мыйын Господь Юем да Пүрышö, Святой Троицыште Иктеш улшылан, кумалме да моктымылан, Ачалан, Эргылан да Святой Шүлышлан, чыла мыйын языкем почын ойлем, кудым илыме кажне кечыштем, кажне шагатыште, кызытсе жапыште да эртен кайыше кечыла ден йүдлаште, паша, мут, шонымаш дене, утым кочмо, аракам шуко йүмö, шолып кочмо дене, утыждене мутланыме, шүлыкан лийме, öрканыме, ваштареш ойлымо, ойколыштдымо улмо дене, еным осалыш луктын ойлымо, судитлыме, шот деч посна ыштыме, шкем йöратыме дене, шуко погым погымо, шолыштмо, чын огылым ойлымо дене, ондален пояш төчымö, темдымын погым погымаш дене, ушкалыме, көраныме, чот сырыме, осалым монден кертдыме, ужмошудымо, закон деч посна налме да чыла мыйын шижмашем дене: ончымо, колмо, үпшычмö, тамлыме, тукнымым шижме дене да моло түрлö языкым чон да кап дене ыштенам, тидын дене Тыйым, мыйын Юем да Пүрышем, сырыктенам да лишылем чын огылыш луктынам. Тидлан чаманен, шке титакем шинчен, Тылат, мыйын Юем, öкынен, языкем касараш эрыкем уло: только, мыйын Господь Юем, полшо мыланем, шортын-шортын шыпак Тыйым сөрвалем, ончыч ыштыме языкем-шамычым Тыйын чаманымет дене проститле да чыла ниным, кудым Тыйын ончылнет ойлышым, мый дечем ойыро, Тый вет Поро да Айдемым йöратыше улат.

*Малаш вочмо деч ончыч ойло:*

Господь Иисус Христос, мыйын Юем, Тыйын кидышкет шке шүлышем пуэм. Тый мыйым благословитле, Тый мыйым серлаге да курымаш илышым мыланем пу. Аминь.

Господь Иисус Христос, Юмын Эрге, мыйым, языканым, серлаге.

## **Кочкаш шичме**

### **деч ончычсо молитва**

### **Господь Юмылан молитва**

Пылпомышто улшо мемнан Ачана! Тыйын лүмет мокталтше, Тыйын Кугыжанышет толжо, Тыйын эрыкет мланде үмбалнат Пылпомышсо гаяк лийже. Мемнан илышаш киндым, тачылыкым, мыланна пу; кудалте мемнан язык-шамычнам, весе-шамычын мыланна ыштыме языкыштым кудалтымына гаяк; языкышке мемнам ит пурто, осал дечын мемнам утаре.

*Але:*

Господь, чыла илыше-шамычын шинчапт Тыйым ұшан дене ончат, кунам кўлеш, Тый нунылан кочкаш пуэт; нунылан кидетым порын шуялттет, порым пуымет дене чыла чонан-шамычым темет.

### **Кочмо деч вара лудмо молитва**

Христос Юмына, мланде ўмбалнысе порылыкет дене мемнам темыметлан Тыланет таум ыштена; пылпомышто улшо Кугыжанышышкет мемнам пуртыде ит кодо, Утарыше, но, кузе тунемшет-влак коклашке толын, нунылан тынысым пуэнат, мемнан декат тол да мемнам утаре.

### **Тўрлў поро пашам тўнгалме**

#### **деч ончычсо молитва**

Господь Иисус Христос, Тыйын Тўнгалтышдыме Ачатын Ик Шочмо Эргыже, Тый яндар умшат дене каласенат: Мый дечем посна нимомат ыштен огыда керт. Господь, мыйын Господем, Тыйын ойлыметлан кўргў шўм-чонем дене ўшанем, Тыланет сукен кумалам: тиде тўнгалме пашам мыланем, сулыканлан, Тыйын полшымет дене виктарен колташ йўным ыште; Ачан, Эргын, Святой Шўлышын лўмеш. Аминь.

### **Тўрлў поро пашам ыштен**

#### **пытарыме деч варасе молитва**

Мыйын Христос Юмем, чыла тўрлў порылыкын тичмашлыкше Тый улат. Мыйын шўм-чонем куанымаш да йывыртымаш дене теме да утаре мыйым. Тый вет Икте, моткоч поро кумылан Господь улат. Тау Тыланет!

### **Икте-весе коклаште**

#### **порылыкым шукемдыме верч**

### ***Святой Шўлышлан молитва***

Пылпомышсо Кугыжа, Чынлан туныктен йывыртыктыше Шўлыш, Тый чыла вере улат, чыла ситарет, керек-могай порылыкат Тый дечет лектеш, илышым Тый пуэт, кўргышкына толын пурен иле, чыла осал дечат мемнам эрыкте, Поро Юмо, мемнан чоннам утаре.

Але:

### ***Тропарь, 4-ше глас***

Шке апостол-влакетым йўратымаш кыл дене ушышо Христос Юмо, мемнам, Тыйын ўшанле кулет-влакым, Шке декет пентгыдын ушен, Шке Шочмо Аватын кумалмыж дене Тыйын сугынетым шукташ да уло шўм-чон дене ваш-ваш йўраташ полшен шого. Тый вет Икте, Айдемым Йўратыше Юмо улат!

### ***Кондак, 5-ше глас***

Христос Юмо, мемнан шүмнам Тый декет йөратымаш тул дене авалте, да тудо тул дене уло шүм-чоным ылыжтен, уло шонымаш дене, уло вий дене Тыйым йөраташ тўнгалына, лишылна-влакымат шкенам йөратыме семынак йөраташ тўнгалына, тыгак Тыйын кўштыметым шуктен, Тыланет, мыланна чыла порылыкым Пуышо, таум ыштена.

#### **Тунемме деч ончычсо молитва**

Моткоч поро Юмына! Мемнан көргө вийнам пенгыдемдаш пуымо Шкендын Святой Шўлышетын порылыкшым мыланна колто, тунеммашке мемнам шўманде, мемнам ончен куштышо Юмо, погымо шинчымашна Тыйым чапландарыже, ача-аванам лыпландарыже, Черкылан, Шочмо эллан пайдам конден шогыжо.

#### **Тунемме деч варасе молитва**

Пўрышө Юмо, мыланна тунемаш да шинчымашым налаш порылыкым пуыметлан тау Тыланет. Мемнам вўден нангайышым — порылан туныктышо вуйлатыше-влакым, ача-аванам да туныктышо-влакым — благословитле да ончыкыжымат мыланна тунеммашнам шуяш вийым, куатым пу.

#### **Осал тушман деч аралатме молитва (90-шо псалом)**

Кўшнысö Юмын полшымыж дене илыше Пылпомышто улшо Юмын леведышыже йымалне лыплана. Юмылан каласа: полшышем мыйын, аралышем мыйын, Юмо, Тый улат, мый Тыланет ўшанем, манеш. Тудо тыйым кучышо-шамычын опытышшт гычын луктеш, аяр шомак дечат утара. Шулдыржо дене тыйым леведеш, тый Тудын шулдыржо йымалне ўшанен илет. Тудын чынлыкше тыйым сар-курал дене авыра, йўдым лўдыктышö дечат, кечывалым лўялтше чонештыше пикш дечат, пычкемыште коштшо осал дечат, чер дечат, тура кечывалымсе ия дечат от лўд. Тыйын воктенет тўжем йөрлеш, пурла могырыштет лу тўжем йөрлеш, а тый декет огеш лишем. Тый шинчат дене осал-шамычлан орлык лийшашым ужат. Ўшанымем мыйын, Юмо, Тый улат: кўшнысö Юмылан кумал илымеке, тыланет нимогай йөсат ок лий, тыйын капетлан нимогай сусырат ок тўкнö. Юмо тыйын нергенет Суксыжо-шамычлан кўшта: коштмо корныштет тыйым аралыкта, тыйын йолет кў пелен шўртнымаш дечын нуно тыйым шке кидышт дене нöлтал налыт. Аспид ден василиск<sup>1</sup> кишкым тошкалат, левым да кугу кишкымат лаштыртет. Мыланем ўшанымыжлан верчын Мый тудым утарем, Мыйын лўмем палымыжлан верчын Мый тудым левед аралем. Мыйым сөрвалымыж годым колыштам, орлыкшо годымат Мый тудын дене лиям. Мый тудым утарен луктам, тудым чапландарем. Мый тудым кужу ўмыраным ыштем, Тудлан Шке утарымашемат ончыктем.

#### **Кугун Пагалыме**

### **Ыреслан молитва**

Юмо ылыж кынешже, Тудлан осалым шонышо-шамыч йомын пытышт. Тудым ужын кертдыме-шамыч Тудын чурийже деч куржышт. Шикш шаланыме гае шаланен пытышт; Юмым йӧратыше-влакын чурийышт да шкеныштым ыресын палыж дене ыреслыше-влак ончыч осал-шамыч тул дене шыште левыме гае колен пытышт. Юмым йӧратыше-влак йывыртен каласат: куане, Господьын Эн Чапле да Илышым ыштыше Ыресше, Тыйын пеленет пудалыме, тамыкыш вольшо, диаволын куатшым пытарыше, мемнан Господь Иисус Христосын куатше дене осалым поктен колто. Тудо вет мыланна Тыйым, Шкенжын Чапле Ыресшым, чыла тӱрлӧ тушманым поктен колташ пуэн. О, Господьын Кугун Пагалыме, Илышым Ыштыше Ыресше, Святой Госпожа — Юмым Шочыктышо Ёдыр да чыла святой-влак дене пырля курымеш мылам полшо. Аминь.

### **Утарышын**

#### **Нерукотворный образшылан**

#### *Тропарь, 2-шо глас*

Тыйын Эн Яндар тӱсетлан кумалына, Поро, шке сулыкнам касараш йодына, Христос Юмо: Шке кумылын кап дене ыресыш кӱзаш келшенат, да пӱрымӧ-шамычетым осаллан пашам ыштыме деч утарет. Сандене, таум ыштен, Тыланет мурена: чылам куан дене теменат, мемнам Утарыше, тӱням утараш толшо.

#### *Молитва*

О, пеш поро Господь Иисус Христос, мемнан Юмына! Тый ожно Шке эн святой чуриетым вӱд дене мушкынат да солык дене ӱштынат, да тудо солыкеш чуриетым палемденат, да тудым Эдессысе князь Авгарьлан йӧсыж годым паремаш поро кумылын пуэнат: тебе меат кызыт, тыйын сулыкан кулет-влак, чон да кап чер дене сорлыклен кучымо-влак, Тыйын чуриетым, Господь, кычалына да Давид пелен ӱнгышӧ чонна дене ӱжына. Шке чуриетым мемнан деч ит савыре да Шке кулет-влак деч шыдешкымет годым ит коран; мыланна полшышо лий, мемнам ит шӱкал да мемнам ит кодо. О, чыла чаманыше Господь, мемнам Утарыше! Мемнан чоныштына Шкендым Шке ыште, да Святыныште да чыныште илен, Тыйын эрге-влакет да Тыйын Кугыжанышетын наследникше лийына да тыгак Тыйым, пеш чаманыше мемнан Юмынам, Тыйын Мучашдыме Ачат да Пеш Святой Шӱлышет дене икверещ, курымла мучко чарныде моктена. Аминь.

### **Воздвиженийлан**

#### *Тропарь, 1-ше глас*

Юмо, Шке калыкетым утаре, Шкендын чыла тӱрлетланат порым пӱрӧ, мыланна, чын верам пагалышылан, сенгышашлык вийым пу, Ыресетын куатше дене калыкетым арален ашне.

### **Молитва**

О, Господьын пеш Жаплыме, Кугун Пагалыме да Ылыжтарыше Ыресше, мемнан Христос Юмынан вўржō дене святитлыме да тудын колымашыж дене мемнам курымашлык колымаш деч утарыше! Тый мемнан ужмо да уждымо тушман-влакым сенымашын палыже улат; тый Христосын Страшный судшо годым кончышаш улат; тыланет ўнышын кумалам, пагален тўкнем да тыйым йōратен шупшалам, кызытсе кумалмашем тыйын пеленет Пудалыме деке кондем, да мыйым чонын да капын чыла йōсыж деч Тый денет улшо Шке вийже дене эмла, чыла ужмо да уждымо тушман деч арала да Шке судыштыжо судитлыдеак пурла могырыш шогалта. Чынжымак Ылыжтарыше святой Ырес, сулыкыштан кōра колышо еҥ-влак верч колышыжла, Утарыше тыйын пеленет Шке шўлышыжым айдеме семын колтен, вўр ден вўдым йоктарен, да тиде кумыт дене икте, чыла дечынат кўлешан улеш: илыше вўд улшо Ача Юмо, ўдыр вўр дечын капанше Эрге Юмо да айдеме шўлышым ылыжтарыше Святой Шўлыш мыланна Юмын чапше лўмеш утаралтмашым ыштен. Нуным кумытым, ик Божество улшым, тынеш пуртымо гоч налме яндар ўшанымаш да Господьын Капше ден Вўржым подылмо гоч налме пенгыдын ўшанымаш дене, чоным почын языкым касарымаш дене да чынжымак йōратымаш дене мыланем тауштен мокташ пу. Кредалмаш да вўр дене темше йогын вўд гай да шўлалтымe годсо пытыше пар гай тиде шинчавўдан илышыште веле огыл, но толшашлык поро пиалан илышыштат кум пачаш порылыкан Ыресын куатше полшымо дене курым-курым мучкак Господьым моктем. Аминь.

### **ЮМЫМ ШОЧЫКТЫШО ЭН СВЯТОЙ АВАЛАН МОЛИТВА-ВЛАК**

Тыйым огыл гын, кōм сōрвалем, Владычице, Тый декет огыл гын, кōн деке шке ойгем дене толам, Кавасе Царице? Тый огыл гын, кō мыйын шортмем да сōрвалымем колеш, Эн Сулыкдымо, христиан-влакын ўшанышт да мемнам, сулыкан-влакым, Аралышына. Тый дечет посна кō ойго деч утара? Кол мыйын йōсланымем да Шке кумылетым мый декем савыре, Владычице, мыйын Юмемын Аваже, да ит кудалте мыйым, Тый дечет польшым йодшым, да ит кодо мыйым, сулыканым. Ушым пу да туныкто мыйым, Кавасе Царице, ит коран мый дечем, Тыйын өпкелаш йōратыше кулет деч, Владычице, лий мыланем Ава да Эҥертыш. Шкемым Тыйын чаманыше леведышетлан ўшанен пуэм. Мыйым, сулыканым, шып да сай илышыш виктарен шого, вара мый шке сулыкем-влак верч шорташ тўнғалам. Мый, титакан, Тый дечет огыл гын, кō деч йодшаш улам, сулыкан-влакым Кучышо да Аралыше? Тыйын каласен моштыдымо чаманымашетлан да порылыкетлан инанен, Тыйын кугу лўметлан шке сулыкем нерген каласаш могай шомакым муын кертам?

О, Владычице, Кавасе Царице! Тый мыланем Ава да Ўшан, Тый мыланем Кучышо да Леведыш, Эҥертыш да Польш улат! Эн чаманыше мыйын Царицем да эн писе Аралтышем. Шке сōрвалымет дене мыйын сулыкем левед; ужмо да

ужын кертдыме тушманем-влак деч мыйым арале, ваптарешем кынелше шыде ен-влакын шўмыштым пушкыдемде! О, Пўрышемын, мыйын Юмемын, Аваже! Тый тўкыдымō ўдырлык да лывыжгыдыме яндарлыкын Вожшо улат. О, Юмын Шочмо Аваже! Тый мыланем, капын алгаштарыше сулыкшо ончылно вийдымылан да шўм чер дене йōсланышылан, польшым пу, Тыйын Эргычын, мемнан Юмынан, аралтышыже да Тыйын эн кугу ўрыктарыше аралтышет дене чыныш лукмо лиям да Тыйын молитват дене, Юмын Эн Яндар да Эн Сулыкдымо, Эн Моктымо Аваже Мария, тўрлō энгек да ўмбакем керылтмаш деч утаралтам! Тиде ўшан денак ойлем да сўрвалем: куане, Чаманыше! Куане, Куаныше! Куане, эн Поро! Тый денет Юмо!

***Мыйын Господь Юмемын Пеш Поро Аваже...***

***(Царице моя, Преплагая...)***

***3-шо глас***

Эн поро мыйын Царицем! Юмым Шочыктышо мыйын Ўшанем, тулык-влак верч Тургыжланыше да нужна-влакын Аралтышыже, ойган-влакын Куанышт, ўпкельше-влакын Леведышышт! Уж мыйын энгекем, уж мыйын ойгем, полшо мыланем, вийдымылан, ашне мыйым корныштем. Мыйын ўпкем палет, шке семынет тудым тўрлō, Тый дечет посна вес полшышем уке, ни вес аралтышем, ни поро лыпландарышем, Тый веле, о, Юмын Аваже, кузе-гынат арале мыйым да переге курым-курымеш. Аминь.

***Юмын Аван «Казанский»***

***иконыжо лўмеш тропарь***

***(Заступница Усердная...)***

***4-ше глас***

Кўшнō улшо Юмын чаманен утарыктыше Аваже! Шкендын Эргычым, мемнан Христос Юмынам, чылан верчышт сўрвален, Тыйын левед аралымашкет мийыше-шамычлан чылалан утарымашым ыштет. О, Ашныше Юмын Аваже, мемнам, чыланнам, утарыкте! Ойгышто, орлыкышто, шуко язык дене нелемын, черланен, Тыйын моткоч яндар тўсет ончылно, шинчавўд дене ойгырен-шортын, чон дене шонен-юмылтен шогышо-шамычым, чылам, осал дечын утаре, Тыланет чарныдеак ўшаныше-шамычлан порылыкым, куштылгылыкым пу, Юмым Шочыктышо Ўдыр, чыламат утаре: Тый вет Шкендын енет-шамычлан Юмын Леведышыже улат.

***Юмын Аван Смоленский***

***«Одигитрия» иконыжо лўмеш Тропарь***

Юмын Шочмо Аваж деке ме, сулыкан да ўнышō-влак, уло кумылын толына да кумалына, сулыкым кудалташ кўргō чон дене йодына: Владычице, полшо, мемнам чамане, тырше, шуко сулыкым ыштымына верчын ме ынде йомна; мыланна, Шкендын айдемет-шамычлан, порым ыштыде ит кодо; Тыланет веле, Иктылан, ўшанена.

### *Молитва*

О, Юмым Шочыктышо, пеш шерге да чыла ег деч кўшнӧ улшо Царице, Пылпомышсо Кугыжан, мемнан Христос Юмынан Аваже, Эн Яндар Одигитрия Мария! Мемнам, сулыкан да нимолан йӧрдымӧ-влакым, тиде шагатыште сукен кумалше да Тыйын эн яндар тўсет ончылно шинчавўд дене чоным почын йодшо-влакым, кол; пытыдыме осал шонымаш деч мемнам коранде, Эн Поро Владычице, тўрлӧ орлык да ойго деч мемнам утаре, чыла тўрлӧ кержалтмаш да еным осалыш луктын ойлымо деч, да чыташ лийдыме ондалымаш деч утаре.

О, поро пўрымашан мемнан Авана, Шке айдемет-влакым тўрлӧ шыде деч арален кертат вет, да тўрлӧ порым пу да утаре! Мемнан верч, ойгышто да нельште улшо сулыкан-влак верч, шокшын да уло шўм дене йодын шогышо Тый дечет весе уло мо? Эн Святой Госпожа, Шке Эргычым, мемнан Христос Юмынам сӧрвале, да тек мемнам Пылпомышсо Кугыжанышыш пураш йӧршым ышта; тидлан верч Тыйым, мемнан утаралтмашын Амалжым, эре моктена да курым-курым мучко Ачан, Эргын, Святой Шўлышын Святой да Эн мотор лўмжым, Троицыште моктымо да жаплыме Юмым, кўшкӧ нӧлтена. Аминь.

### *Юмын Аван «Всецарица»*

#### *иконыжо лўмеш*

#### *1-ше молитва*

О, Юмым Шочыктышо пеш поро да чудым ыштыше Ава, Пантанасса, Всецарице! Тыйым шке леведыш йымакем пурташат мый йӧрдымӧ улам. Чаманыше Юмын чаманен моштышо да йӧратыше чонан Аваже семын шомакым каласе, да мыйын чонем тӧрлана, да мыйын вийдыме капем пенгыдемеш. Сенгаш лийдыме куатет уло, да Тыйын тўрлӧ мутет шукталтде ок код. О, Всецарице, Тый мыйын верчем йод, Тый мыйын верчем сӧрвале, да Тыйын чапле лўметым эреак, кызытат да мучашдыме курымла гоч чапландарена. Аминь.

#### *2-шо молитва*

О, Всецарице, Эн Яндар Юмынава! Афон мланде гыч Российыш кондымо чудотворный иконет ончылно мемнан орланыше чонна гыч лекше сӧрвалымынам кол; Тыйын святой тўсет деке инанен толшо да сукен кумалше, тӧрланен кертдыме чер дене йӧсланыше Шке йочат-влак ўмбаке ончал.

Кузе кайык шулдыржо дене шке игыже-влакым леведеш, тыгак Тыят, эреак Илыше, шуко Эмлыше, Шке омофорет дене мемнам кызыт левед. Тушто, кушто ўшанымаш йомеш, чынжымак Ўшанымаш лий. Тушто, кушто чыташ лийдыме ойго сенгынеже, Чытыше да Куштылемдыше лий. Тушто, кушто чоныш ўшаным йомдарыше пычкемыш пурен, тек Юмын каласен моштыдымо волгыдыжо волгалташ тўнгалеш. Вуйым сакыше-влакым лыпландаре, вийдыме-влакым пенгыдемде, шыде чонан-влакым пушкыдемде, ушыштым волгалтаре. О, Пеш чаманыше Царице! Черланыше шке айдемет-влакым тӧрлате. Мемнам

эмлыше-влакын ушыштым да кидыштым благословитле, тек мемнан Христос Утарышынан, Чыла сенгыше Эмлышын, орудийже лийыт.

О, Владычице! Мемнан дене пырля илыше улмет гаяк Тыйын иконет ончылно кумалына. Орлыкан-влакын Куанышт, ойго годым Лыпландарыше, эмлымаш да паремдымаш дене темше Шке кидетым шуялте, да чудым ыштыше польшым вашке налын, Илыш тўналтышым пуышо Шелалтдыме Троицым — Ачам, Эргым да Святой Шўлышым курым-курымеш моктена. Аминь.

***Юмын Аван «Державная»***

***иконыжо лўмеш***

***Тропарь, 4-ше глас***

Юмым Шочыктышо Ёдыр, тыйым пагален, Суксо-влак Тылат служитлат, да чыла Пылпомышо вий-влак, чарныде мурен, Тыйым моктат. Тыйым, Владычице, уло шўм дене сўрвалена: волгалтарыше Юмын поро шонымашыже тек кугун пагалыме Тыйын «Державная» иконыштет лиш. Тек Тыйын Чудотворный иконетын волгалтарыше чапше Тыланет ўшан дене кумалше да Юмылан аллилуиа мурышо-влак ўмбаке вола.

***Кондак, 8-ше глас***

Чылам сенгыше Воеводылан сенымаш муро-шамычым кондена, вет мыланна Тыйын Державет пуалтын, да нимо дечат она лўд, мемнан утаралтмаш тўня деч огыл, но пеш моктымо Владычицын порыж дене аралалтына да Аралышын Шке мландыжым аралаш толмыжлан кызытат йывыртена.

***Кугыжанышым левед***

***аралыме верч молитва***

Тўням арален ашныше, чыла тўрлын мурымо Авана! Тыйын кугун пагалыме да чапланыше «Державная» юмонат ончылно лўдын, ўшанен, йўратен, сукен кумалына да уло шўм дене Тыйым сўрвалена: Тый декет йодын толшо-влак деч Шке чуриетым ит савыре. Волгыдын поро кумылан Аваже, Шке Эргычым да мемнан Юмынам, чоным куандарыше Господь Иисус Христосым, сўрвале: тек мемнан элнам тыныслыкыште арален ашна, тек мемнан кугыжанышын поро кечылажым шукемда да калык-влак кокласе сырымаш деч мемнам коранда, тек мемнан святой православный Черкым пенгыдемда да тудым ўшаныдымаш, шелалтмаш, йонгылыш туныктымаш деч чот арала. Пеш Яндар Ёдыр, тый дечет моло полшышына уке: Тый вет Юмын ончылно Тудын чын шыдыжым пушкыдемдыше да ўшаныше-влаклан пенгыде Аралтыш улат. Тыланет инанен кумалше-влакым чылаштымат языкыш пурымо деч, осал ен-влакын арам ойлымышт деч, шужымаш, ойго да чер деч утаре. Мыланна ойгырышо шўлышым, шўм ўнгышеммашым, яндар шонымашым, языкан илышым тўрлатымашым, сулыкнам кудалтымашым пу: да Тыйын чапетым моктен мурен, Пылпомыш Кугыжанышыш пурена ыле да тушто чыла святой-влак дене эн пагалыме да волгыдо, Троицыште моктымо Юмын— Ачан, Эргын да Святой Шўлышын лўмжым чапландарена ыле. Аминь.



## ЙОЧА-ВЛАК ВЕРЧ МОЛИТВА

### *Утарыше Христослан аван икымше молитваже*

Мыйын шүмемын нимо деч шергакан Юмыжо! Тый мыланем йоча-шамычым капаным пуэнат, чонжо дене нуно Тыйын улыт: мыйынымат, йоча-шамычын чоныштымат Тый аклен моштыдымо Шке вүрет дене түлен налынат; Тыйын Юмо вүрет верч Тыйым сөрвален йодам, нимо деч шергакан мыйын Утарышем: Шке порылыкет дене мемнан йоча-влакын (*лүмышт*), креснаэрге-ўдыр-влакын (*лүмышт*) шүм-чоныштым тарвате, нуным Юмо деч лүдмаш дене арале, осал корныш шогалме деч авырен, поро, чын, волгыдо илыш корныш лук, илышыштым чыла түрлө поро, утаралтмаш паша дене сōрастаре, ончыкылыкыштым шонымет семын пүрө да чоныштым утаре.

Мемнан ачана-влакын Господь Юмышт! Мемнан йочаланна (*лүмышт*), креснаэрге-ўдыр-влаклан (*лүмышт*) Тыйын кўштымет-влакым шукташ, Тыйын каласен кодымет да туныктымет почеш чын илаш кумыланше шүмым пу.

### *Аван кокымшо молитваже*

Мланде ўмбалне чыла түрлылан илышым пуышо, чылалан поро деч порым ыштыше, мыланем ешын аваже лияш пүренат; Тыйын порылыкет мыланем йочам пуэн, садлан мый тыге каласаш тоштам: нуно Тыйын йочат улыт! Тый нунылан илышым пōлекленат, колыдымо чоным пуэнат, Тыйын кўштымет почеш илаш тынеш пуртенат, эргылыкеш налынат да Шке Черкетын илыш кōргышкыжō пуртенат. Ёмырышт мучко сай илышым пуэн шого, Тыйын Кўштыметын таинствыжым шуктен шогаш йōршым ыште, Шкендын чынет дене волгалтаре, да Тыйын Святой лүмет нунын кōргыштыштат, нунын гочат волгалт шогыжо! Тыйын лүметым чапландарыше да лишыл-влаклан пайдам кондышо еным ончен кушташ шуко порылыкан польшетым колто. Тидым ыштен шукташ мыланем йōным, чытымашым да вийым пу. Нунын шүмышкышт поро уш-акылын эн тўнжым — Юмо деч лүдмашым —шындараш туныкто. Сандалыкым виктарен шогышо кугу уш-акылетын волгыдыж дене нуным волгалтаре. Да Тыйым уло чонышт да шонымашышт дене йōратат да уло шүмышт дене ўмырышт мучко Тыйын мутет-влак деч лўдын илаш тўнгалыт. Чын илышыже — Тыйын кўштыметым шуктен шогымаште, сандене нуным тидлан ўшандараш мыланем ушым пу: вет Юмо полшымо дене уло кумылым пыштен ыштыме паша тиде илышыште чон ласкалыкым да курымашлык илышыште каласен моштыдымо пиалым конда. Тыйын законетым палаш ушыштым волгалтаре! Тек Тыйын чыла вере улметым ўмырышт мучко шижын шогат! Нунын шүмышт гыч түрлө осал койышым коранде, закондымылык деке чытыдымашым тарвате, тек илыш-корнышт языкдыме, яндар лиеш, да Тыйын чылалан порым ыштыше Юмо улмет нерген да Тыйын законет да чынет верч пенгыдын шогымет нерген эре шарнат. Тыйын поро лүметым пенгыде уш-акыл

дене пагален эскераш полшен шого. Да шкеныштын койышышт дене Тыйын Черкетын лүмжым огыт шүктö да тудын күштымыж почеш илаш тўнгалыт. Тунеммашын күлешлыкшылан кумылыштым тарвате, түрлö поро пашам ышташ йөршым ыште. Тек шке илышыштышт эн күлешан нерген чын умылымашым пален налыт да калыклан поро пашам ышташ полшышо шинчымаш дене пойдаралтыт. Юмым шинчыдыме йоча-влак дене кылым кучымаш деч корандаш мыланем ушым пу. Куштылгын шонышо, айда-лийже мутланыше ен-влакым ынышт колышт да тыгай-влакын языкан койышышт мыйын йоча-влакем Тыйын корнет деч ынышт коранде, закондымо-влакын корнышт южгунам сайла коеш гынат, тек нуно огыт алгаштаралт.

Пылпомышсо Ача! Шке койышем дене йоча-влаклан күлдымашым ончыкташ огыл манын, чыла шотыштат шкем сайын кучаш мыланем вийым пу: йоча-влакын койышыштым эреак эскерен, түрлö күлдымаш шонымаш да кугешнымаш кумыл деч коранде, языкыштым касаре, тореш шогымо койышыштым, айда-йöра шонымыштым чаре, тек нуно шүм йодмышт почеш огыт ыште, тек Тыйымат, Тыйын законетымат огыт мондо. Закондымо пашашт ушыштым да тазалыкыштым тек ок лунчырто, языкышт чон да кап-кыл куатыштым ок иземде.

Чыным эскерен шогышо Судья, ача-аван языкше верч йоча-влакым кумшо да нылымше тукым марте наказатлаш Тыйын куатет уло; мыйын йоча-влак деч тыгай наказанийым коранде, мыйын языкем верч нуным кугу нелылыкыш ит пурто, но Шке порылыкет дене лупс леведме семын нуным левед, тек суапле пашашт дене порылык деке лишем шогат да Тыйын поро шонымашет дене яндар чонан ен-влакын йöратымашеш кушкын толыт.

Чаманымылыкын да түрлö порылыкын Ачаже! Ача-ава-влакын шижмашышт дене мый шкемын икшывем-влаклан мланде үмбалнысе түрлö поянлыкым, Пылпомышсо лупсын порылыкшым, үян мландын лектышыжым тыланынем ыле, но чылалан Тыйын святой эрыкет лийже! Нунын илыш корныштым Тыйын поро шонымашет дене виктаре, тачысылык киндышт деч посна ит кодо, курымаш пиалан илышым палаш шке жапыштыже мо күлешым колтен шого; Тыйын ончылнет языкым ыштат гынат, нунылан поро лий; самырык годсо, палыде ыштыме осал пашаштлан языканыш ит лук, Тыйын порылыкет ваштареш шогалме годым шүм-чоныштым ойгыраш тарате; пенгыдын судитле да еным чаманыше лий, Тыланет келшыше корныш шогалте, Шке чуриет дечын ит коранде! Нунын шонымашыштым куанен нал, түрлö поро пашаштышт сенгымашым пу, ойган кечышт годым нунын дечын ит коран, сенген кертдыме нелылыкыш ит кондо.

Чыла түрлö порылыкан Юмо! Йоча-влакым Шке порылыкет дене левед, Тыйын Суксет полшымо дене нуным түрлö энгек да осал корно гыч коранде. Мыйым шке шочшем верч куаныше авам ыште, мыйын илышыштем куаным кондышт да шонгылыкемлан энгертыш лийышт. Тыйын порылыкетлан үшанен, нунын дене пырля Шучко судет ончыко шогалаш да лүдде каласаш пу: «Теве мый да мыйын йочам, кудым Тый мыланем пуэнат, Юмо!» Да поро кумыл дене

Тыйын каласен моштыдымо порылыкетым да курымаш йӧратымашетым моктен мурен, Тыйын эн святой лӱметым чапландарем: Ачаным, Эргыным, Святой Шӱлышыным, курым-курым мучкак. Аминь.

**Утарышылан  
кумшо молитва**

Господь Иисус Христос, Юмын Эргыже, Тыйын Эн Яндар Аватын кумалмыж дене мыйым, сулыканым, да Тыйын йӧрдымӧ кулетым (*лӱм*), колышт.

Господь, Тыйын чаманен вуйлатымет дене да Шке лӱмет дене мыйын йочамым (*лӱм*) чамане да утаре.

Господь, Тыйын ончылнет пален да палыде ыштыме тудын сулыкшо-влакым протитле.

Господь, Тыйын туныктымо тӧр корныш тудым шогалте да ушым пу, шӱм-чонжым утараш да капшым паремдаш Шке Христос волгыдет дене волгалтаре.

Господь, мӧнгыштыжӧ, пӧртшӧ воктене, пасушто, пашаште да корнышто да Тыйын ужмаште чыла вере тудым благословитле.

Господь, тудым чонгештылше пуля, пикш, кӱзӧ, керде, яд, тул, вӱд налмаш, колымашым кондышо шӱйшӧ лӱмӧ, атомын пӱсӧ йолжо да вучыдымо колымаш деч Шке святой леведышет йымалне арале.

Господь, ужмо да уждымо деч, тӱрлӧ энтек, шыде да ойго деч тудым утаре.

Господь, тӱрлӧ чер деч тудым паремде, тӱрлӧ йырнык деч эрыкте да шӱм-чон йӧсыжым да ойгыжым куштылемде.

Господь, Святой Шӱлышетын порыжым кужу илыме курымжылан да тазалыкшылан шкенжым яндарын кучаш ситышынак пу.

Господь, Тый тудлан уш-акыл пӱсылыкым да кап-кыл чулымлыкым пуэнат. Чыла тидым шукемде да пенгыдемде.

Господь, эрыкет лиеш гын, Шке благословениетым Юмылан йӧршӧ поро еш илышым чонгаш да поро йоча-влакым вожылмашыш пурыде ышташ пу.

Господь, мыланем (*лӱм*), Тыйын йӧрдымӧ да сулыкан кулетлан, ача-ава благословенийым эрдене, кечывалым, кастене да йӱдым Шке лӱмет верч мыйын йочам да Тыйын кулетлан пу, вет Тыйын Кугыжанышет курымаш, чыла сенгыше да чыла кертше. Аминь.

**Юмын Шочыктышо Авалан  
молитва**

О, Эн Святой Владычице, Юмын Шочыктышо Ёдыр, Шке леведышет йымалне мыйын йоча-влакым (*лӱмышит*), чыла ёдыр-эргым да азам, тынеш пуртымо-влакым, да эше лӱмым пуэн шуктыдымо да аван мӱшкырыштӧ улшо-влакым, утаре да арале. Шке авалык вургемет дене нуным левед, Юмо деч лӱдшӧ да ача-авам колыштшо лийышт, мыйын Господь Юмемым да Шке Эргычым сӧрвале, нунылан утаралташ мо кӱлешым пуыжо. Тыйын Ава аралтышетлан нуным пуэм, вет Тый Шке кулет-влаклан Юмын Леведышыже улат. Аминь.

### ***Аралыше Суксылан***

#### ***молитва***

Аралыше святой Суксо, мыйын йоча-влакым (лүм-влак) осал иян пикшыже-влак деч, ондалышын шинчаж деч Шке леведышет дене левед, нунын шүмыштым суксын яндарлыкштыже арале.

### ***Тунеммаште нелылыкым***

#### ***чытыше йоча-влак верч***

#### ***молитва***

Господь Иисус Христос, мемнан Юмына, чыла латкок апостолын шүмышкышт чынжымак пурышо да тулан йылме семын вошышо Эн Святой Шүлышын поро вийже дене нунын йылмыштым почынат, тыге нуно түрлө йылме дене мутланаш тунгалыныт! Господь Иисус Христос, мемнан Юмына, Тыйын Святой Шүлышетым нине йоча үмбаке (лүмышт) Шке колто да нунын шүмыш Святой Возымашын шүлышыжым пурто, кудым Тыйын Эн Яндар Кидет закон пуышо Моисейын онгашыже возен. Кызытат, керек-кунамат, курым-курым мучкак. Аминь.

### ***Йоча-влак йоммо годым***

#### ***Георгий Победоносецлан***

#### ***Тропарь, 4-ше глас***

Пленыште улшо-влакым утарыше, күчызö-влакым арален шогышо, черле-влакым төрлатыше, Сенгымашым кондышо великомученик Георгий, мемнан чоннам утараш Христос Юмым сөрвале.

#### ***Молитва***

Святой, чапланыше, Христос верч пеш чот орландарыме да чылан моктымо Георгий! Мемнан шонымашна верч палыме йодшо, тыйын черкыштет погынышо да тыйын святой иконет ончылно кумалше ең-влак, тыйым сөрвалена: Шуко порылыкшым йодшо-влакым, мемнан утаралтшашым да илышыште күлешым йодшо-влакым, ок кодо да мемнам чаманен колеш. Сенгымашым кондышо святой, адакат тыйым сукен сөрвалена, тыланет пуымо порылык дене православный сарзе-влакым пенгыдемде да ваштареш шогышо тушман-влакын вийыштым шалате, тек нуно намыслалтыт да вожылтаралтыт, да нунын осалышт шалана, да мыланна Юмын полшен шогымыжым палат; ойгышто да экшыкыште улшылан чылалан Тыйын пеш виан аралтышетым ончыкто. Чыла чонаным да чондымым Ыштыше Господь Юмым сөрвале, тек курымашлык орланымаш деч мемнам утара, да эре Ачам, Эргым да Святой Шүлышым чапландарена да тыйын мемнан верч шогыметым ойлен палдарена, кызытат, керек-кунамат, курым-курым мучкак. Аминь.

## СВЯТОЙ-ВЛАКЛАН МОЛИТВА

Мирликийский архиепископ  
Святитель Николай Чудотворецлан  
(9/22 майысе пайремже лүмеш)  
*Тропарь, 4-ше глас*

Волгыдо кугу куан лийме кече дене Бар ола йывырта, да тидлан верч уло тўня духовный муро-влакым мура: таче священный кугу куан кече, Святитель да Чудым ыштыше Николайын кугун пагалыме да шуко паремдыше капшым вес верыш кусарымаш. Мемнан верч шогышо Великий Николай, кузе шичдыме кече волгыдым колтыммо йоллаж дене волгалтеш, ўшанен сөрвалыше-влак деч пычкемыш алгаштарымашым да ойгым тугак поктен колто да утаре мемнам.

*Кондак, 3-шо глас*

Святитель Николай, эрвел гыч касвел марте тыйын капет шўдыр гае күзен, тыйын кайымет дене тенгыз святитлалтын, да Бар ола тый денет поро пўрымашым налеш: пеш сылне, öрыктарыше да чаманыше Чудотворец, мемнан деке толынат.

*1-ше молитва*

О, пеш Святой Николай, Юмылан чот йöршö, мемнан шокшо аралтышна да чыла ойгышто вашке полшышына! Мылам, сулыканлан да тиде илышыште шўлыканлан, полшо, мыйын чыла сулыкем, кудым самырыкем годым, уло курымем мучко паша дене, шомак дене, уш дене да чыла шижмашем дене ыштенам, мыйым проститлаш Господь Юмым сөрвале да мыланем, эн сулыканлан, чонем лекме годым полшо; Господь Юмым, чыла чонаным Ыштышым, мыйым южысо мытарстве да курымаш йöсланымаш деч утараш сөрвале да эреак Ачам, Эргым да Святой Шўлышым, да тыйын чаманыше аралтышетым моктем, кызытат, керек-кунамат, курым-курым мучкак. Аминь.

*2-шо молитва*

О, пеш чаманыше мемнан Святой Николай ачана! Тыйын чаманен утарыметлан ўшанен кумалше да алал кумалын чыла сөрвалыше-шамычлан тый күтүчö гае арален ашнен туныктышо улат; вашке тарванен, Христослан инаныше-шамычым нуным пытарыше пире деч арале; илыме чыла элыштымат калык пудыраныме да мланде чытырналтме деч, тушманын пызырен толмо да шке коклаштышт кредалме деч, шужымаш, кугу вўд да тул деч, керде да кенета колымо деч шке святой кумалмет дене арален ашне. Казаматыште шинчыше кум еным чаманен, нуным кугыжан шыдыж дене руалыктен пуштмо деч утарымет гаяк, мемнамат тугак чамане; ме уш, шомак да паша дене, пычкемышыште илыме гае, языкеш варнен пытенна, Юмын шыдыж деч, курым мучко орландарыме деч мемнам утаре. Вара тыйын кумал полшымет дене, Шкенжын чаманыше кумылжо дене, поро куатше дене Христос Юмо тиде

үмырыштö мыланна ласка да языкдыме илышым пуа, шoла мoгыреш шoгалмe дeч утaрa, свyтoй-шaмyч дeнe пырлy пурлa мoгыреш шoгaлaш йöршым ыштa. Аминь.

**Преподобный**  
**Серафим Саровскийлан**  
*Тропарь, 4-ше глас*

Поро пиалан, изиет годсекак Христосым йöратенат. Тудлан, Иктылан, тул гай служитлаш шоненат, чарныде кумалмет да пашат дeнe eн укe вepыштe чoт тыршенат, пушкыдо шүмет дeнe Христосын йöратымашыжым погенат. Юмын Аважын ойырен йöратымыже лийынат, сандeнe тыйым чoтaк йoдына: мемнан преподобный Серафим ачана, шкe кумалмет дeнe мемнам утаре.

**Молитва**

О, Юмылан кугун йöршö, преподобный да шкe көргыштет Юмым нумалше мемнан Серафим ачана! Пылпомышсо мoктымаш вep гыч мемнан үмбакына, үнгышö да вийдыме, шуко сулык дeнe пызырналтше, тыйын польшeтым да ласкандарымашым йодшо-влак үмбаке ончал. Шкe порo чoнeт дeнe мемнан үмбакына тўслeн ончал да Юмын күштымыжым мыланна пeнгыдын аралаш, православный верам чoткыдын кучаш, мемнан язык касарымашнам Юмылан тыршен кондаш, Юмын корнышто порын тыршен шoгаш да Юмо ончылно мемнан вepч тыйын сöрвалeн йoдмашетлан йöршö лияш полшо. Эй, Юмын свyтoйжo, мемнам, тыланет ўшанeн да йöратeн кумалше-влакым, колышт да мемнам, тыйын аралтышeтым йoдшо-влакым, ужын кертдымe ит лий: кызытат да мемнан колымына гoдымат мыланна полшо да шкe мoлитват-влак дeнe диаволын пижедылмыж дeч мемнам аралe, тeк тидe вий мемнам oк кучo, нo тыйын полшымет дeнe райысe порo илышым нaлaш йöршö лийына. Тыланет мe чoт ўшанeнa, порo чoнaн ачана: чынак мыланна утаралташ корным ончыктышо лий да Пeш Свyтoй Трoицын Престолжo ончылно тыйын Юмылан йöрeн йoдмeт дeнe пычкeмышалтдымe курымаш илыш волгыдыш мемнам кондо, Ачан, Эргын да Свyтoй Шўлышын эрeак кумалаш йöршö лўмыштым чыла свyтoй-влак дeнe пырлy курым-курым мучкак чапландарeнa да мoктeн мурeнa. Аминь.

**Святой страстотерпец**  
**Николай кугыжалан молитва**

О, орланымашым чытыше свyтoй Николай кугыжа, Господь тыйым, Шкe помазанникшым, шкe eнeт-влакым порын да чын судитлаш да православный кугыжанышын аралтышыже лияш ойырен.

Тиде кугыжаныш службым да eн-влакын чoнышт вepч тыршымашым Юмо дeч лўдмаш дeнe шуктeнaт. Шoкшo конгаштe шöртным шуарымe гай тыйым тeргeн, шуко орлыкым чытыше Иовлан пуымo гаяк, Господь тыланет кoчo ойгым чыташ пўрeн, a мучашлан кугыжан прeстoл дeч коранмашым да орланeн колымашым тыланет колтeн. Христосын чын кулжo сeмын, чыла тидым

ўнғышын чытен лектынат. Кызыт святой мученик-влак: святой пелашет Александра, кугыжан шочшет — святой-влак: Алексей, Ольга, Татиана, Мария, Анастасия да тыйын ўшанле слугат-влак дене пырля Чыла Кучышо Кугыжан престолжо ончылно кўшыл чапыште куанен илет.

Христос Кугыжа верч кугун орланыметлан кўра нунын дене пырля Тудым лўдде сўрвале, тек Господь Юмын помазанникшым да кугыжам пушташ пуышо калыкын сулыкшым касара. Тек Господь орланыше Российым Юмо ваштареш кучедалше-влак деч утара, вет нуным Юмо мемнан сулыкна да Юмо деч коран илымыланна кўра пуэн. Да, эрыкше уло гын, православный кугыжа-влакын престолыштым пўртылта, а мыланна сулык касарымашым пуа да сай пашам ышташ кумыланда. Тек тыйын семынетак ўнғышылыкым, мутым колыштмашым, йўратымашым налына да Пылпомыш Кугыжанышыш пураш йўршў лийына, да тый денет да чыла святой у мученик ден Российысе исповедник-влак дене пырля Ачам, Эргым да Святой Шўлышым чапландарена, кызытат, керек-кунамат да курым-курым мучкак. Аминь.

### **Великомученик Пантелеимонлан Тропарь, 3-шо глас**

Орланымашым чытыше да черым паремдыше Пантелеимон, поро Юмым сўрвале, мемнан чонлан сулыкнам касарымашым пуыжо.

### **Молитва**

О, Христослан пеш кугун йўршў, индырымашым чытыше да пеш чаманыше эмлызе Пантелеимон! Чамане мыйым, сулыккан кулым, мыйын сўрвалымем да ом керт манмем кол, мемнан каплан да чонлан Пылпомышсо, кўшнысў Врачым, мемнан Христос Юмынам, поремде, да мыйым йўсландарыше чер деч мыланем тек пареммашым пуа. Айдеме-влак кокласе эн сулыккан деч йўрдымў кумалмем нал. Мый декаем поро пўрымашет дене тол. Мыйын сулыккан лўмў-влакем деч ит йўрне, шке порылыкетын елейже дене нуным шўрў да мыйым паремде; вара, капем да чонем дене таза лийын, кодшо кечылаштем Юмын порылыкшо дене языкым касарен да Юмылан йўршын илем ыле, да мыйын илышем поро мучашан лиеш ыле. Чынжымак, Юмылан йўршў! Христос Юмым сўрвале, да тыйын сўрвалымет дене мыйын капемлан ласкалыкым да мыйын чонемлан утаралтмашым пуа. Аминь.

### **Петербургысо блаженная Ксениялан молитва**

О, чыла тўрлў поро пиалан Ксения авана! Кўшнысў Юмын шулдыр йымалныже илыше, Юмын Аважын вуйлатымыж дене тўр корно дене пенгыдын коштыктым, шужымашым, йўмў шумашым, йўштм, шокшым, вурсымашым, поктымашым шуко чытыше, ончыкылыкым ужаш, ўрыктарыше паша-влакым ышташ Юмо дечын куатым налынат да Тудын леведыш йымалныже канет: ынде Святой Черке, тамлын ўпшышў пеледышла, тыйым

чапландара; тыйын шүгар үмбалнет, святой түсет ончлыно, ылышылан кумалме гае кумалына: мемнан йодмынам налын, Пылпомышто улшо чаманыше Ачанан престолышкыжо намиен шукто, тыланет ең-шамыч верч кумалаш вий пуалтын, да тый декет толшылан курымаш ылышым, поро пашам тўналаш благословенийым, чыла ойго ден колянмаш деч кораншашым йод: тыйын святой кумалмет дене чыла чаманыше Утарыше ончлыно мемнанверч, йордымō да языкан енет-влак верч, шого; поро пўрымашан святой Ксения авана, аза-влакым тынеш пуртен волгалтараш да Святой Шўлышын пуымо печатьше дене палемдаш, ўдыр-рвезе-влакым чын верч пенгыдын шогаш, Юмылан инанаш, Туддеч лўдаш туныкташ, тунеммаштышт сенымашке шуаш полшо; сусыр, тўрлō чер дене орланыше-шамычым паремде, ешанлан йōратымашым, икте-весе коклашке умылымашым колто, монах-влаклан койдымо тушман ваштареш пенгыдын шогаш полшо, мыскылымаш деч нуным арале, священник-влакым Святой Шўлыш дене пенгыдемде, калыкнан да элнан тыныс, ласка ылышыжым арален шого, колаш шушо-влаклан Святой Причастийым подыл колаш Юмым сōрвале, тый вет мемнан ўшанна, писын колын утарышына улат, тыланет таум ыштена да тый денет пырля Ачам, Эргым да Святой Шўлышым моктена, кызытат, керек-кунамат, курым-курым мучкак. Аминь.

#### **Москвасе блаженная**

#### **Матроналан молитва**

О, поро пиалан Матроно авана, чонет дене Юмын престолжо ончлыно Пылпомышто шогет, капетше дене мландыште канет да тыланет кўшычын пуымо порылык дене тўрлō öрыктарыше пашам ыштет. Ончал кызыт поро шинчат дене сулыккан, ойган, черле да кечына-влакым языкан алгаштарымаште илен эртарыше-влак ўмбаке, лыпландаре мемнам, ўшаным йомдарыше-влакым, көргō чоннам эрыкташ языкна верч Юмын колтымō пеш неле чер-влакнам паремде, утаре мемнам тўрлō ойго да осал паша деч, сōрвале мемнан Господьнам, Иисус Христосым, мемнан закондымо пашанам, сулыкнам, самырык годсо гыч тачысе кече да шагат йотке ыштыме языкнам кудалташ йод, да тыйын сōрвалымет дене поро вийым да чон куаным налын, Троицыште улшо Ик Юмым: Ачам, Эргым да Святой Шўлышым — моктен мурена, кызытат, керек-кунамат, курым-курым мучкак. Аминь.

#### **Преподобный Матфейлан,**

#### **Ярангысе чудотворецлан, молитва**

О, мемнан преподобный Матфей ачана, Ярангысе чудотворец. Изьет годсекак уло чонет дене Христосым йōратенат, чонетше шуко палыше да кугу уш-акыл шўлыш, Господьлан пенгыдын ўшаныме шўлыш, тыматле койыш-шоктыш да Тудым кугун пагалымаш дене темын, шке виетым да поро кумылетым тиде пашалан тўрыснек пуэнат, ўнышō шўмет дене Господьын чыла кўштымыжым шуктен шогенат. Суксо семын илен, пўтым кученат, молитвам лудынат, чон порылыкын кўкшытышкыжō шуынат, шуко порылыкан Юмо деч чон



поянлыкын түрлө пөлекшым налынат. Ончылгоч ужын моштымашым, чон да кап паремдымашым мланде ўмбалне илымет годымак шуко ончыктенат. Шуко енлан тый поро туныктышо да лыпландарыше, поро күтүчө да Юмым сөрвалыше лийынат. Ойган кечылаште, Юмылан ўшаныше-влакым чот поктылмо, төрсыр да пуламыр жапыште чонышт утаралтшаш корныштым йүд пычкемышыште чолга шүдыр гае волгалтаренат, священник-влакым Юмым ойлен палдарыме да орланыме корнышто пенгыдемденат, монах-влакым Христосын шүдымыжым шуктым корныш виктаренат, черкыш толшо-влакым лыпландаренат, ойым пуэнат. Шкеже поктылмашым, орлыкым чытенат, черле лийынат, кызыт Пылпомыш Кугьжанышыште шоget. Коленат гынат, чонет дене мемнан коклаштына улат да тый декет йөрәтен да ўшанен йодын толшо-влаклан поро полышым пуэт.

Преподобный Матфей ачана, тыйым уло чон дене сөрвален йодына: Вятский мландын чудотворецше да Юмын престолжо ончылно уло преподобный Трифон, блаженный Прокопий да моло святой-влак дене пырля мемнан Христос Юмынам, Утарышынам, сөрвале, Тудын деч элыштына Юмылан ўшанымашым пенгыдемдаш, священник-влаклан тыршен юмылташ, монах-влаклан подвигыштышт сенымашыш шуаш, чыла христиан-влаклан Юмым йөрәтен, порын илаш йод. Туныкто мемнам уло чон да шүм дене мемнан Господьнан Иисус Христосын эн сылне, чапле лүмжым йөрәташ да чапландараш, тый вет шкежат Тудын лүмжым чарныде моктенат да шүмыштет нумалынат. Да меат моктен мурена шке илышна дене Ачам, Эргым да Святой Шүлышым, кызытат, керек-кунамат, курым-курым мучкак. Аминь.

### **Марий мландысе священномученик**

**Адриан ден Михаил**

**пресвитер-влаклан**

***Тропарь, 8-ше глас***

Христосын утарыше ўдымашыжын мотор саскаже семын, у мученик-влак, Кугьжалан да Юмылан порын йөршө жертве лийында, ўшанымашлан туныктышо да Юмын Порылыкшым шарыше Адриан, ўнгышө да шыдешкыдыме образ Михаил священник-влак: тидлан верч ожнысо стратотерпец-влакын гай чап венецым Подвигым ышташ кумылангыше деч налыда. Тудлан, Шуко Порылыканлан, мемнан чоннам утарышаш верч кумалза, сөрвалена.

### ***Кондак, 2-шо глас***

Толза, чын ўшаныше-влак, ушан волгалтарыше-влакым моктена, Адриан ден Михаил священномученик-влакым кугу йүк дене моктен мурена. Вет нуно уш пычкемышалтме да Юмо деч коран илыме жапыште, вүрым йөсланен йоктарен, Марий мландым мушкыныт да тыге тиде яндар вургем дене сөрәстаралтыныт, да мемнан верч Айдемым Йөрәтыше Ик Юмым сөрвален, кызытат Святой Троице ончылно шоget.

**Марий мландысе священномученик епископ Леонидлан**  
***Тропарь, 4-ше глас***

Царевококшайскын поро архипастырже лийынат, священномученик Леонид, Христос Черкын пенгыдемдышыже да Евангелийым шуктышо: орландарен поктылмашыш, тыгак кепшылыш да пычкемыш петырымашыш логалынат, апостол-влак семын шке илышетым төрленат, вӱр марте орланенат, Христос Юмо нерген чыным туныктенат, тыйым шарныше-влак верч Тудым кугун сӧрвалем.

***Кондак, 1-ше глас***

Христос, Тыйын Божественный орлыкым чытыметын вийжым умылен, Господь, Тыйын у угодникет, пеш ушан Леонид, туныктышо да мученик таче лектын: тудо Тыйын тӱням Утарыше Юмо улметым, Шке тунемшет-шамычлан примерым ончыктымем, Ырсеш колымо марте эн ончыч йӧсланыметым пален, пытаргыш жаплан Тыйын почешет кайыме корным ойырен, поро туныктымашым ончыктен. Сандене Тыланет мурена: Тый, Христос Юмо, мученик-влаклан пенгыдемдыш улат.

**Мученик Иоанн Воинлан**  
**вор деч аралаш да шолыштмым**  
**пӧртылташ лудмо молитва**

О, Христос верч кугу орлыкым чытыше Иоанн! Чын ӱшаныше-влак верч пенгыдын шогышо, тушман-влакым поктен колтышо, шыгыремдыме-влакым аралыше! Ойго да энгек деч утлышаш верч сӧрвалымынам колышт, вет тыланет ойганыше-влакым лыпландараш, кертдыме-влаклан полшаш, титакдымым арамыш колымаш деч утараш, чот орланыше-влак верч чыла осалым сентышаш верч кумалаш Юмо деч куат пуалтын. Мыланна шинчалан койшо але койдымо тушман ваштареш кучедалаш полшышо лий, тек тыйын полшыметлан, аралыметлан кӧра мемнан ваштареш шогышо осаллан намыс лишеш. Святой Троицыште моктымо мемнан Господь Юмына деч сӧрвален йод, тек языкан да йӧрдымӧ кул-влак Тудын деч каласен моштыдымо порылыкым налыт, кудым йӧратыше-влаклан ямдылен, кызытат, керек-кунамат, курым-курым мучкак. Аминь.

**ЯЛ ОЗАНЛЫК ПАШАШТЕ**  
**КІЛЕШАН МОЛИТВА-ВЛАК**

**Шурным ӱдымӧ да погымо**  
**годым, поян лектыш верч**  
***Эн святой Юмын Аван***  
***«Спорительница хлебов»<sup>1</sup>***  
***иконыжо лӱмеш молитва***

О, Юмым Шочыктышо Эн Святой Ӱдыр, Эн Чаманыше Владычице, Пылпомышын да мландын Царицыже, христиан ешын да чыла суртын поро

сӱрӱстӱрӱшӱшӱжӱ, пӱшӱм ыштышӱ-влӱкын бӱлагословенийжӱ, нужна-влӱкын пытыдыме поянлыкшӱ, кӱчызӱ ден тулык ватым да чыла еным Пукшышо! Мемнан Пукшышына, Тӱням Пукшышым Шочыктышо да мемнан киндынам Шочыктышо да Шукемдыше, Тый, Владычице, Шке Ава бӱлагословениетым мемнан олалан, яллан, суртлан да кинде пасулан, да Тыланет ӱшанышылан чылалан колтет. Садлан поро лӱдмаш да ӱнгышӱ шӱмна дене Тыйым йодына: мыланна, Тыйын сулыкан да йӱрдымӱ кулет-влӱклан, мемнан илышнам сайын вӱдышӱ ушан Суртоза лий. Чыла калык тӱшкам, чыла суртым да ешым шотаным ыште да православный да ик шонымашаным, мут колыштшым да уланым ыште. Кӱчызым да нужнам пукшо, шонгылыкклан Эгертыш лий, изи-влӱкым ончен кушто, чылаштымат Господь Юмо дечын чон почын йодаш туныкто: «Мемнан илышаш киндым, тачылыкым, мыланна пу». Эн Яндар Ава, Шке енет-влӱкым тӱрлӱ нужналык да чер деч, шужымаш да пуштедымаш деч, шолем да тул деч, тӱрлӱ осал паша да ситыдымаш деч арален кодо. Мемнан илыме верлан (*ял лӱм*), суртлан, ешлан да чыла христиан-влӱклан да пӱтынь эллан тынысым да кугу чаманымашым йодын нал, да Тыйым, Эн чаманыше Пукшышынам да Темышынам, чапландарена, кызытат, керек-кунамат, курым-курым мучкак. Аминь.

#### **Шудо солаш кайыме годым**

#### ***Преподобный Савватийлан, Соловецкий чудотворецлан, молитва***

О, преподобный ача, Христослан йӱршӱ Савватий, уло чон дене Господь Юмым йӱратыше да тиде ир мландышке кайыше, да утарымаш подвигом ыштыше. О, Пылпомыш Кугыжан ӱшан кулжо, поро пашалан туныктышо, ӱнгышылыкын тӱсшӱ, ир мландын гражданинже, Суксо дене мутланыше, каваште илыше, мланде ӱмбалнысе херувим, кавасе айдеме. О, Соловецк островын пычкемышалтдыме волгыдыжо, чын верам кучышо-влӱкын Черкыштын кугу волгыдыжо. Мый, шуко сулыкан, тылат, пеш пагалымылан, кумалам: кол мыйын, шке кулетын, нужна кумалмем, тӱткын колышт мыйын яндар огыл умшам дене ойлымем, кызыт тый дечет польшым йодшым. Вет пеш чот чояланыше тушман эре мыйым пытараш тӱча, мыйын чонем уло куат дене нелаш кычалеш, да мыланем утаралтыш уке, кушто польшым муаш, вет ӱнардыме капем дене авыралтынам да ажгындырыше вий дене пӱгыргенам, ом керт Юмо деке савырнен. Шкаланем аралтышым йодын, кызыт тыйым сӱрвалем: чамане мыйым, осал паша дене ойганшым, мыйын нерген Господь Юмо деке шке яндар кидетым нӱлтал, о, шокшын кумалше, преподобный Савватий. Шке порылыкшын поянлыкшӱ дене тек мыйын сулыкем кудалта да суд кечын мыйым курымашлык орландарымаш деч утара, да Шкенжын порылыкшо дене Шке Кугыжанышышкыже пурта, да Тудым эре моктен мурена, чапландарена да тудлан сукен кумалына курым-курым мучкак. Аминь.

#### **Кукшо игече годым**

## **йүрым кондымо нерген<sup>1</sup>**

### ***Молитва***

Чылам кучен Ашныше Господь Юмына, Тый декет поро кумылан улмыжлан Фесвитян Илиям колыштынат да мландышке йүрым жапыште колташ чаренат, тыгак тудын молитваж дене саскам шочыктышо йүрым мландылан пуэнат. Чылам кучен Ашныше, Тыйын Шке порылыкет деч сөрвален йодына, Тыйын йодшет-влаклан ласка йүрым пу; да мемнан сулыкнам ончыде, Шке йүретым күлешан да йодмо верыш колто; Тыйын нужна енет да йоча-влак верч, вольык да чыла моло верч мландын тўсшым куандаре; күлеш жапыште кочкышым пуэт манын, нуно Тыланет ўшанат. Господь, Тый мемнан Юмына улат, эре чамане да утаре, да Тыланет чап мурым мурена, Ачалан, Эргылан да Святой Шўлышлан, кызытат, керек-кунамат, курым-курым мучкак. Аминь.

## ***Святой Илия Пророклан***

### ***Тропарь***

Чапым налше Илия, кап дене суксо, пророк-влакын негызышт, Христос толшаш деч ончыч кокымшо Предтече. Елисей пророклан черле-влакым паремдаш да проказа чераным эрыкташ кўшычын поро вийым колтен да тудым шотеш пыштыше-влаклан паремдымашым пуа.

## ***Кондак, 2-шо глас***

Мемнан Юмынан кугу пашаже-влакым ончылгоч ужшо да увертарыше пророк, кугун пагалыме Илия, шке каласыме шомакет дене вўд йоктарыше пыл-влакым чаренат, Айдемым йўратышым, Иктым, мемнан верч сөрвале.

### ***Молитва***

О, Юмын Святой пророкшо, Илия, айдемым йўратыше Юмым мемнан верч сөрвале, да тек мыланна, Юмын кулжо-влаклан (*лўмышт*) өкынымө шўлышым да сулыкна-влаклан касарымашым пуа, да Шке чыла сеныше порылыкшо дене чын огыл корно деч коранаш полша, тўрлө поро пашам шукташ да шкем кучен керташ мемнам пентгыдемда, да шўмышкына ўнышемме да лыпландарыше шўлышым, шўмбел йўратымаш да шыдешкыдыме шўлышым, чытымаш да яндарлык шўлышым, шке лишыл-влакын утаралтшашышт верч поро азапланымашым да Юмын чапше верч тыршыме шўлышым пурта. Шке кумалмет дене мемнан деч Юмын чын шыдешкымыжым коранде, да тиде курымышто порын да тыныслын илен, Господь да мемнан Утарыше Иисус Христосын Кугыжанышыштыже, Тудын курымаш порылыкыштыжо лийына, Тудлан, Мучашдыме Тудын Ачаклан да Пеш Святой Шўлышлан моктымаш да кумалмаш лийже курым-курымеш. Аминь.

## **Чодыраш кайыме деч ончыч**

### ***Соломон кугыжалан молитва***

Тыланет, кайыме корным волгалтарыше святой Соломон кугыжа, шке пашат дене пылпомышыш кўзымө корным волгалтарышылан, мый, шуко сулыкан, ўнышө шўмем дене сукен кумалам да көргө чонем дене йодам: Айдеме йоратыше Юмым мыйын верчем сөрвале, тек мыйым сулыкын корнывожыштыжо йомын кошташ ок кодо, да тек мыйын ушем да шўмем шуко порылыкан Шке волгыдыж дене волгалтара, да тудын дене волгалтын да пенгыдемын, мландўмбалне илышаш кечыштем чын корно дене шўртныде каен кертам. Эн поро Господь деч тыйын йодмет дене чапланыше Кугыжан Пылпомышсо сылне полатыштыже эртыше чон куандарыше пайремыште шинчаш кеч изиш да йөршө лиям. Да Тудлан, Тўнгалтышдыме Тудын Ачажлан да Эн святой, Поро да Илышым ыштыше Шўлышлан чап, пагалымаш да кумалмаш лийже курым-курым мучкак. Аминь.

**Пакчаш шындыме годым**  
***Апостол да евангелист***  
***Лукалан молитва***

О, чот чапланыше апостол Лука, Христос верч шке чонетым пуышо да шке вўрет дене Тудын пасужым ўяндыше! Тыйын йочат-влакын молитваштым да орланыше шўмышт дене кондымо сөрвалымыштым кол. Теве сулык да закондымо паша дене ойгангынна да тидлан верч пыл дене леведалтме семын азап дене авыралтынна, поро илышын елейжылан нужнангынна, да сут пирылан ваптарешыже шоген огына керт, нунышт Юмын поянлыкшым вожылдымын шолышташ тōчат. О, виян! Мемнан кертдымылыкнам нангаяш полшо, шўлышет дене мемнан деч ит коран, да Юмын йоратымыже деч мучаш марте огына ойырло, но пенгыдын шогымет дене мемнам арале, да тыйын сөрвалымет дене мемнам чыланнамат Господь Юмо серлага, мемнан шотлен пытарыдыме сулыкнам возымо кагазым тек пытара да чыла святой-влак дене пырля поро пиалан Кугыжанышыштыже Шкенжын Пачажын сўаныштыже лияш йөршым ышта. Да Тудлан чап, моктымаш, таум ыштымаш да уло чон дене кумалмаш лийже курым-курым мучкак. Аминь.

**Мланде ўмбалне поян саскам**  
**куштышаш верч**

***Священномученик***  
***Харалампийлан***  
***молитва***

О, священный да шуко орланыше айдеме, Христосын мутланыше пачаже-влакын поро кўтўчыжө, Христосын священномученикше Харалампий, Магнисийын моктымыжо да тўнян чапше, тўня волгалтыш да мемнан кугу аралтышна да ойгышто, азапыште да чыла нужнаште поро польшкалышына! Мемнам, тый декет толшо да тыланет кумалше сулыкан-влакым, кол да мемнам тўрлө осал авырыме деч утаре. Тый вет шуко да неле орланымашет да чытымашет дене Господь деч чыла вере да чыла пашаште мыланна эре полшаш

порылыкым да кугу вийым налынат, да кушто, чарныде кумалын, тыйым чапландарен мураш да эн чот пагален шарнаш тўнгалыт, тушто утларак полшо. Тыгай порылык пуалтын тылат, Христосын священномученикше, тыйын йодмет почеш тый декет толшо Чап Кугыжа деч: кунам тыйым керде дене руалаш судитленыт, тунам колынат тыланет ойлымо пеш вучымо да эн сылне йўкым: «Тол, Харалампий, Мыйын йолташем, Мыйын лўмем верч шуко орлыкым чытыше, да йод Мый дечем мо кўлешым, да Мый пуэм тыланет». Тыйже, кугу волгалтарыше, ойленат тунам Господь Христослан: «Мыйын Господь Юмем, мыланем Тый дечет, Пычкемышалтдыме Волгыдо деч, тыгай пўлек шуко лийын. Тыйын кумылет уло гын, йодам Тыйым, пўлекле мыланем Тыйын тыгай серлагышетым: кушко пыштат мыйын капем да кушто мыйын орланымем нерген шарнымаш пагалыме лиеш, тудо верыште нигунам огеш лий ни шужымаш, ни орлык, ни саскам пытарыше шакше юж, но тек лиеш тиде верыште тыныс, кап-кыллан тазалык да чонлан утаралтмаш, айдемын кўлешлыкшылан кучылташ лынак шыдан, йошкар арака, ўй да вольык шукеммаш». Кунам тый, Христослан йўршў, шуко орланыше Харалампий, Господьын каласыме йўкшым колынат: «Тыйын йодмет семын лийже, чот чапланыше Мыйын сарзем». Да тунамак, Господьын каласыме почешак, керде дене руалме деч ончычак шке чонетым пуэнат, Христос Господьын корныж дене кугу чап дене каенат, да Суксо тыйым вашлийын да кугу куан дене Господьын Престолжо деке ужатен. Да тыге Господьын Эн святой лўмжым курым мучко чапландарыше святой-влакын чурийышт ончылно Христос Юмын кидше гыч чап венецым налынат. Юмылан йўршў, тушто, Пылпомышсо чапландарыме верыште улмет годым, мемнамат, тыланет кумалше сулыкан-влакым, ончал да шарналте мемнам Господь ончылно, да пўлеклыже мыланна Шкенжын чаманымашыжым курым-курымеш. Аминь.

**Кўтўм, кўтўчым да вольыкым  
аралыме верч**

***Великомученик  
Георгий Победоносецлан  
молитва***

Святой, чапланыше да чылаштын моктымо Георгий, Христосын великомученикше! Ме, тыйын храмыштет погынышо да тыйын иконет ончылно сукен кумалше-влак, тыйым, мемнан верч ўшанлын йодшым, сўрвалена: йод мемнан дене пырля да мемнан верч сўрвале поро Юмынам, тек чаманен колеш мемнам, Тудын порылыкшым йодшо-влакым, тек ўрдыжеш огеш кодо мемнан утаралташ да нужна илышым саемдаш йодмынам да мемнан державылан ваштареш шогышо тушманым сенаш вийым пуа, да тыланет пуымо порылыкшо дене православный воинством кредалмаште пенгыдемда, да мемнан ваштареш шогалше тушманын вийжым пытара, тек вожылыт да вурсалтыт, да нунын осалышт тек сўмырла, тек палат, кузе мыланна Юмо полша; ойгышко да илышыште нелылыкыш логалше чыла енлан шуко виян аралтышетым ончыкто.

Господь Юмым, чыла чонаным Пүрышым, курымашлык орланымаш деч утараш сөрвалe, да эре чапландарена Ачам да Эргым, да Святой Шүлышым, да тыйын Юмо ончылно шогыметым ойлен палдарена, кызытат, керек-кунамат, курым-курым мучкак. Аминь.

*Севастийысе епископ  
священномученик Власийлан*

*Тропарь*

Койышет дене апостол да нунын пашаштым шуйышо лийынат. Юмын Шүлыш дене коштшо, Юмым ужмашке шуынат. Тидлан верчын, священномученик Власий, Юмын мутым шуктенат да ўшанымашетлан верчын вүр марте орланенат. Мемнан чоннам утарышаш верчын Христос Юмым сөрвалe.

*Кондак*

Юмо деч иланыше да чарныде пеледалтше Христос пушентгын шуко орланыше укшыжо, чоныштет Юмым нумалше Власий, ўшан дене тыйым шарныше-влакым шкендын куанет дене теме да мемнан верч чарныдсак кумал.

**Вольык пытыме деч**

*Иерусалимысе архиепископ  
святитель Модестлан<sup>1</sup>*

*Тропарь*

Юмо дечын кугу ушым налше Модест, пеш чын илен, святитель вургем дене сылнештаралтынат, Иерусалим олан пеш поро күтүчыжө, куан кумыл дене Христос ончылно шогет да тўня тўр марте сылнын волгалтарет, садлан тыйым сөрвалыше-влаклан польшкалыше да чылашт верч кумалше лий.

*Кондак*

Чапланыше иерарх да чудым ыштыше Модест, тыйын волгыдо подвигетын пенгыдылыкшым да чылашт деке чаманымашетын поянлыкшым ужын, чыла Поро подвигом пуышо Юмо тыланет Шкенжын кугу пөлекшым пуэн. Сандене тыланет кумалше-влак сөрвален йодына: шучко илыш деч мемнам утаре да неле чер деч мемнам паремде.

*Стихира*

Толза, ўшанле-влак, псаломышто возымо семын куанен, Святой олан чапше, серлагышын пытыдыме памашыже, ойгышто улшо-влакым шыматыше, сулыкан-влак верч вожылде йодшо, мемнан утаралтшаш верч кумалше иерарх Модестым моктен мурена.

**Кугу тўкан вольыкым  
аралышаш верч**

### ***Орланыше Агафиялан молитва***

О, шуко орланыше да кугу ушан великомученица Агафия! Тый чонет дене Пылпомышто Господь Юмын Престолажо ончылно шовет, тылат пумы порылык дене мланде ўмбалне түрлө чер деч паремдет; тыйын эн яндар түсет ончылно шогышо да кумалше, да тыйын польшетым йодшо-влакым чаманен ончал; мемнан нерген Господь Юмо деке шке святой молитват-влакым шукто да мемнан сулыкна-влакым касараш, черле-влаклан паремаш, ойган да энгекыште улшо-влаклан вашке польшым йод; мыланна чылалан шке илышнам христианин семын мучашлаш да Шке страшный судыштыжо поро вашмутым пуаш Господь Юмым сөрвале, да тый денет пырля чапландараш йөршө лийына Ачам, Эргым да Святой Шүлышым курым-курым мучкак. Аминь.

### **Мүкшым ончымо годым**

#### ***Господь Юмын Предтечыже да Тынеш пуртышыжо Иоаннлан молитва***

Христосын Тынеш пуртышыжо да кугун пагалыме Предтечыже, пытаргыш пророкшо да порылыкышто икымше орланышыже, пүтым кучышо да ир мландыште илыше-влакын да яндарлыкын туныктышыжо, Христосын лишыл йолташыже! Тыйым сөрвален йодам, тый декет толам, шке аралтышет деч мыйым ит коранде, но мыйым, шуко сулык ыштымемлан верч ўлык камвочшым, нөлтал; сулыкым касарыме дене, кокымшо гана тынеш пуримо семын, мыйын чонемым уэмде; сулык дене амыргыдем деч мыйым эрыкте, да Пылпомыш Кугыжанышыш, кушко нимолан йордымылан пураш ок лий, каяш тарвате. Аминь.

### **Мүкш отарым**

#### **благословитлыме молитва<sup>1</sup>**

Чылам пүрышө Юмо, нөшмым благословитлыше да шукемдыше, да тудым мыланна кочкаш йөршым ыштыше; о, мемнан Иисус Христос Господьна, Предтече да Тынеш пуртышо Иоаннын йодмыж почеш мемнан сөрвалымынам чаманен колышт, шкендын поро кумылет дене нине мүкшым порын благословитле да святитле, да тек нуно тыйын лүмешет шке поян саскаштым Тыйын храметым да Тыйын святой алтаретым сылнештараш да сөрастараш кондат, тыгак мыланна кучылташ йөршым пуат. Тудлан чап да моктымаш курым-курым мучкак. Аминь.

### **Чонгымо паша годым**

#### ***Белгородысо епископ***

#### ***святитель Иоасаflan<sup>1</sup> молитва***

О, чудым ыштыше Белградский Иоасаф, Христосын святительже! Кузе Господьын шинчаже чын ыштыше-влакым онча да тудын пылышыже нунын молитваштым колеш, туге меат, сулыкан да нимолан йордымө-влак, ўшанена да тыйын молитват ден аралтышетым йодына, апостол-влакын ойлымыштлан



ўшанена: тыйын йӱратымашет мемнан деч нигунам ок коранг. Шке сулыкна да черна верч энгын кийыше йытын да тодылалтше омыж гае веле улына гынат, Юмын чаманымыже да Тудын праведникше-влакын молитвашт дене эше илена. Праведник ача, тят шке шӱметым мемнан кумалмына деке савыре да тыйын Юмо ончылно шогымет дене христиан тукумлан Господь деч тынысым да благословенийым пу. Православийым пенгыдемде, Юмын Черке ўмбаке осал да закондымо-влакын кержалтмыштым коранге. Тушманын кержалтмыж деч, калык-влак коклаште ваштарешла шогымаш да пудыранымаш деч, пытарыше мардеж, тул да колымашым кондышо чер деч, шужымаш, вӱд ташлымаш да моло энгек деч утараш мемнан Пылпомышсо Ачанам сӱрвалe. Христос Юмына деч мемнан чонлан пенгыдылыкым, каплан — тазалыкым, черлылан — паремдымашым, окшаклан — коштын кертмашым, сокырлан — шинча почылтмашым, йыжындымылан — пенгыдылыкым, шӱлыкканлан — чыла ойго деч корангмашым да лыпланымашым йод. Христосын кушкылжо дечын ойырлышо укшым тый угыч ушо, кузе шкеат Тудын пелен лийынат. Да тек тый денет эн Чын да эн Сылне мемнан Юмынан: Ачан, Эргын да Святой Шӱлышын лӱмжӱ кызытат, керек-кунамат, курым-курым мучкак чаплана. Аминь.

**Ужалыме-налме паша**  
**Сочавский великомученик**  
**Иоанн Новыйлан**

**Тропарь**

Орланыше Иоанн, мланде ўмбалнысе илышым порын виктарен, чаманымашет, чӱчкыдын кумалмет да шинчавӱдет дене, орланымаш деке пӱрӱен семын лӱдде кайымет дене перс-влакын ондалымыштым тӱжваке луктынат. Тидын дене Черкым пенгыдемденат да христиан-влакын моктымо енгышт да эрсак шарныме У Иоанн лийынат.

**Арака йӱмӱ язык деч утлаш**  
**полшышо молитва-влак**  
**Юмын Аван «Неупиваемая**  
**Чаша» иконыжо лӱмеш**  
**Тропарь, 4-ше глас**

Таче ме, ўшаныше-влак, Юмын Эн Святой Аважын пеш сылне да Божественный образше деке, Шке чаманымашыжын Йӱын Пытарыдыме Пылпомышсо Чашыже дене ўшаныше-влакын шӱмыштым йӱктышӱ да нунылан чудо-влакым ончыктышо деке, толына. Тыгай чудым ужын да колын, ме уло чон дене куанена да шокшын сӱрвалена: пеш чаманыше Владычице, мемнан чернам паремде да языкым йӱратымашна деч коранге, Шке Эргычым, мемнан Христос Юмынам, мемнан чоннам утараш сӱрвалe.

**Кондак**

Ойырымо да чудо семын утаралтмаш мыланна пуалтын — Тыйын пагалыме образет, Владычице, Юмым Шочыктышо, тудын полшымо дене чонын да капын йӱсыж да ойгыж деч утаралтына, Тыланет таум ыштыме моктымашым кондена, Эн Чаманыше Ёшыкна. Тый, Владычице, «Неупиваемая Чаша» манын лӱмдымӱ, мемнан кумалмынам да сӱрвалымынам порын нал да йӱмаш чер дене черле-влаклан утарымашым пу, да Тыйым ушанен моктена: Куане Владычице, «Неупиваемая Чаша», мемнан духовный йӱмӱ шумашнан шержым темыше.

### ***Молитва***

О, пеш чаманыше Владычице! Тыйын левед аралымашетым кызыт йодына, мемнан кумалмынам ит шӱкал, но мемнам чаманен кол; вате, йоча, ава-влакым да йӱмаш дене нелын орланыше-влакым, тиде черлан кӱра шке авашт — Христосын Черкыже деч да утаралтмаш деч корангше мемнан иза-шольына да ака-шӱжарна, родына-влакым паремде.

О, Юмын чаманыше Аваже, нунын чоныштым тарвате да сулыккан камвочмаш деч вашке нӱлтал, шкеныштым утарыше кучен кертмашке нуным кондо.

Шке Эргычым, мемнан Христос Юмынам сӱрвале, да мемнан сулыкнам мыланна проститлыже да Шке чаманымыжым Шке енге-влак деч ынже коранге, а мемнан ушнам айыкым ыштыже да яндарын кучаш полшыжо.

Юмым Шочыктышо Эн Святой Ава, шке йочашт верч шинчавӱдым йоктарыше ава-влакын, шке марийышт верч шортшо ватыштын, тулык да нужна, да йӱшӱ ача-аван коден кайыме йоча-влакын, да мемнан чыланнан, Тыйын иконет ончылно сукен кумалше-влакын, йодмынам нал. Да тиде мемнан сӱрвалымына Тыйын кумалмет дене Эн Кӱшнысын престолжо марте шуэш.

Левед мемнам осал деч да тушманын осал шонымашыж деч арале, да мемнан колымо годсо лӱдыкшӱ шагатын южысо мытарствыжым тӱкныдеак эрташ полшо, шке молитват дене мемнам курымаш суд деч утаре, да Юмын чаманымашыже мемнам пытыдыме курымла мучко леведеш. Аминь.

### ***Порым ыштыше святой Вонифатийлан***

О, кугу святой Вонифатий, поро Юмын поро кулжо! Аракам йӱын орланыше да тый декет польшым йодын толшо-влакым колышт, кузе мландӱмбалне илымет годым тый дечет польшым йодшо-влакым нигунам шӱкалын отыл, тугак кызытат нине пиалдыме-влакым (*лӱмышт*) утаре.

Юмо деч ушым налше ача, икана тыйын виноград пасуэтым шолем кырен каен, тый тунам, Юмылан таум ыштен, аралалт кодшо виноградым погенат, вӱдшым темден лукташ да кӱчызӱ-влакым ужалаш кӱштенат. Вара, у аракам налын, епископийысе чыла атым поген, чӱчалтыш дене темкаленат, да Юмо, поро енын кумалмыжым шуктышо, нигунам уждымо ӱрмашым ыштен: виноград вӱдым темден лукмо верыште арака шукемын, да кӱчызӱ-влак шке атыштым темкаленыт.

О, Юмын святительже! Тыйын кумалмет почеш черкын күлешыжлан да йорло ден күчызö-влакын пайдаштлан арака кузе шукемын, туге тый, поро кумылан, кушто арака ынде осалым ышта, тушто шагалемде, намысыштым йомдарен, аракам йүшö-влакым (*лүмышт*) иян алгаштарымыж деч утаре, неле черыштым эмле, начаррак-влакшым пенгыдемде, нунылан, вийдыме-влаклан, тиде алгаштарымаш деч утлашышт пенгыдылыкым да вийым пу, айык да таза илыш корныш пörтылтö, поро пашам ышташ да айык илыш дене илаш кумыланде. Юмым йöратыше Вонифатий, нунылан полшо, аракам йүмö шумаш логарыштым йүлалтараш тунгалеш гын, осал кумылыштым пытаре, умшаштым Пылпомыш юалге дене юалтаре, Юмын Кугыжаныш деч корандыше да чонлан энтекем кондышо койыш-шоктыш деч утлаш манын, нунын шинчаштым поч, йолыштым үшанымаш кү үмбалан пенгыдын шогалте, тек нуно, поро пашаште пенгыдемын, үмырыштым мучаш марте намыс деч посна тыматлын шуктат да мучашдыме Кугыжанышын курымашлык волгыдыштыжо мемнан Иисус Христоснам, тудын Ачажым да Эн Святой, Илышым пуышо Шүлышыжым курым-курымеш чапландарат. Аминь.

### ***Святой Моисей Мурилан***

О, öкынен кумалмашын кугу вийже! О, чаманыше Юмын висен кертдыме келгытше! Тый, преподобный Моисей, ончыч толен коштшо лийынат, но вара, шке языкет деч лүдын, ойгыраш тунгалынат да, öкынен, монастырыш толынат да тушто, шучко пашатлан көра шортын, пүтым кучен, молитвам лудын үмыретым эртаренат да лым лийде тыршымет дене языктым кудалтыме куаным, чудым ыштен кертме вийым да Святой Шүлышын порылыкшым налынат.

О, преподобный, тый, шучко язык деч утлен, Юмылан йөршö поро пашам ыштымашке шуынат, тыланет кумалше ен-влакланат (*лүмышт*) полшо: нуно, колыдымо чоныштлан да капыштлан, Святой Шүлышын храмжылан, мучашдыме энтекем ыштат, аракам шотдымын йүйт, колымашке лишемыт. Умбакышт поро ончалтышетым савыре да нуным ужмышудымашын ит ончо, тый дечет польшым йодшо-влакым умылен колышт.

Преподобный Моисей, сөрвале Владыко Христосым: Тудо, поро чонан, нуным ынже шүкал, да нунын колымыштлан ия ынже куане, но Господь нине вийдыме да пиалдыме-влакым (*лүмышт*) чаманыже, вет ме чыланат Юмын шочшыжо улына да Тудын Эргыжын Эн Яндар вүржö дене түлен налме улына.

Преподобный Моисей, колышт нунын да мемнан кумалме мутнам, нунын деч иям поктен колто, йördымö койышым сенгашышт вийым пöлекле, осалын куллыкшо дечын утаре, алгаштарыше вий деч да аракам шотдымын йүмö деч коранде, тек нуно, уэмше, айык чонышт да яндар ушышт дене арака йүде чытат, тек шотан илышым йöратат, шкеныштым порын кучат да Чыла порым ыштыше да шочшыжо-влакым эреак утарыше Юмым үмырышт мучко чапландарат. Аминь.

### **СВЯТОЙ КУГЕЧЕ ЧАС-ВЛАК**

### **Волгыдо Кугече арняште эр да кас молитва-влак олмеш лудалтеш**

Мемнан святой ачанан кумалмышт верч, Господь Иисус Христос, мемнан Юмына, мемнам серлаге. Аминь.

#### ***Тропарь, 5-ше глас***

Христос колымаш гыч ылыж кынелын, колымыж дене колымашым сенен да шүгарыште улшо-влаклан илышым пуэн. (3 гана.)

Христосын Ылыж Кынелмыжым ужын, Иктылан, Языкдыме Святой Господь Иисуслан, кумалына. Христос Юмо, Тыйын Ыресетлан кумалына, Тыйын святой Ылыж Кынелметым моктен мурена: Тый мемнан Юмына улат, Тый дечет посна молым огына шинче. Тыйын лүмет дене лүмдалтын улына. Инаныше-шамыч, чылан толза, Христосын святой Ылыж Кынелмыжлан кумалына: теве ынде Ыресше дене чыла калыклан йывыртымаш толын; керек-кунамат Юмым моктен, Христосын Ылыж Кынелмыжым мурена: пудалымым чытен колымыж дене колымашын куатшым пытарен. (3 гана.)

Эр ўжара деч ончыч Мария дене толшо да шүгар деч корандыме кўм мушо-влак Суксо деч колыныт: Курымеш Волгыдышто Илышым, айдемылан шотлен, молан колышо-влак коклаште кычалыда? Ончыза шүгарысе леведышым, кайыза да увертарыза тўнялан, кузе Господь колымашым сенен кынелын. Тудо айдеме тукумым утарыше Юмын Эрге улеш.

Христос Юмо, шүгарышке воленат гынат, Колыдымо улмет дене тамыкын вийжым сентыше лийынат, ылыж кынелынат. Йывыртыза манын, миром кондышо ўдырамаш-шамычлан каласенат. Шке апостолет-шамычлан тынысым пөлекленат, языкеш йомшо-влаклан ылыж кынелшашлыкым пуэнат.

Шүгарыште капан, а тамыкыште чонан, вет Тудо Юмо, райыште разбойник дене, а престольшто Ача да Святой Шўлыш дене пырля лийше Христос, чыла ситарыше да каласен мошташ лийдыме.

Тау Ачалан, Эргылан, Святой Шўлышлан.

Илышым кондышо, рай дечат сылне, чынжымак кугыжан полат дечат волгыдын волгалтын, Христос, Тыйын шүгарет мемнан ылыж кынелшашын тўналтышыже.

Кызытат, керек-кунамат, курым-курым мучкак. Аминь.

Святитлыме Юмын Күшыл илемже, куане, Юмын Шочмо Ава. Тыйын гоч куан пуалтеш, сандене маньна: чыла ўдырамаш дечат утла Тый поро Пўрымашан улат, Эн Сулыкдымо Владычице.

Юмо, серлаге (40 гана).

Тау Ачалан, Эргылан, Святой Шўлышлан, кызытат, керек-кунамат, курым-курым мучкак. Аминь.

Херувим-шамыч дечат утла пагалышашлык лийынат, Серафим-шамыч дечат танастарыдыме чапле лийынат. Тыйым, чынак, Эрге Юмым языкдеак шочыктышо Авам, кугу улат манын моктена.

Христос колымаш гыч ылыж кынелын, колымыж дене колымашым сенен да шўгарыште улшо-влаклан илышым пуэн. (3 гана.)

Тау Ачалан, Эргылан, Святой Шўлышлан, кызытат, керек-кунамат, курым-курым мучкак. Аминь.

Юмо, серлаге (3 гана). Поро сугыным пу.

Господь Иисус Христос, Юмын Эрге, Эн Яндар Тыйын Аватын, преподобный да Юмым шке кўргыштышт нумалше мемнан ачанан да чыла святой-влакын кумалмышт дене мемнам серлаге. Аминь.

## **ИИСУС ХРИСТОС ЯЗЫКАН ЕЪЫМ ШКЕЖ ДЕКЕ ЁЖЕШ**

Эй, айдеме, молан тый Мый дечем ойырлышыч?

Мый дечем, тыйым йўратыше деч, молан савырнен кайышыч?

Молан мыйын тушманем дене ушнышыч?

Мыйын тыйын верчынет Пылпомыш гыч волымем ушышкет нал.

Тыйын верчынет капланалтын айдеме лиймем ушышкет нал.

Тыйын верчынет Ёдыр дечын шочмем ушышкет нал.

Тыйын верчынет изиеш лиймем ушышкет нал.

Тыйын верчынет укелан лиймем ушышкет нал.

Тыйын верчынет мланде ўмбалне илымем ушышкет нал.

Тыйым жаплымым ыштышаш верчын Мый жаплыдыме лийым.

Тыйым паремдышаш верчын Мый сусыргышым.

Тыйым ылыжтарышаш верчын Мый колышым.

Тый языкан лийыч, Мый языкетым Шке ўмбакем налым.

Тый титакыш пуршыч, Мый титакетым Шке ўмбакем налым.

Тый парымыш пуршыч, Мый парыметым тўлышым.

Тый колышашлык лийыч, Мый тыйын верчынет колышым.

Тидым тыланет Мый тыйым йўратыземлан верчын веле ыштышым.

Тыйын тыге орланыметым ужын, чытен шым керт.  
Тыге йоратымем тый нимоэшат от уж мо?  
Мый тыйым йоратем, тый Мыйым от йорате.  
Мыйым от йорате, языком йоратет.  
Тыйын верчынет орлыкым ужмем ушышкет нал.  
Тыйын верчынет сусыргымем, шүргө гыч кыралтмем, шүведальтмем ушышкет нал (Марк, 14,65).

Тыйын верчынет орлышо-шамыч деке ушалтмем ушышкет нал.  
Тыйын верчынет осал колымаш дене колымем ушышкет нал.  
Тыйын верчынет мландышке тоялтмем ушышкет нал.  
Тыйым Пылпомышко күзыктышаш верчын Мый Пылпомыш гыч воышым.  
Тыйым нолтышаш верчын Мый изи лийын ылышым.  
Тыйым уланым ыштышаш верчын Мый укеан лийын ылышым.  
Вара мом келшыдымым Мыйын үмбалнем муыч? Молан Мый декем толмет ок шу?

Порылыкым налнет гын, керек-могай порылыкат Мый денем уло.  
Ласкалыкым ужнет гын, керек-могай ласкалыкат Мый денем уло.  
Моторлыкым кычалат гын, Мый дечем весе мо мотор?  
Чаплым кычалат гын, Юмо Эрге деч весе мо чапле?  
Күшнысым кычалат гын, Пылпомышсо Кугыжа деч мо күшнө?  
Поянлыкым кычалат гын, керек-могай погат Мый денем уло.  
Уш-акылым кычалат гын, Мый Шке Юмын уш-акылже улам.  
Таным кычалат гын, Мый дечем сай таг кө уло? Мый чыла верчынат чонем пуышым.

Мый дечем чот йоратышым көм муат?  
Полышым кычалат гын, Мый дечем весе тыланет кө полша?  
Паремдышым кычалат гын, Мый дечем весе тыйым кө паремда?  
Куанымашым кычалат гын, Мый дечем весе тыйым кө куандара?  
Чонетлан тыныслыком кычалат гын, чоным луштарыше Мый Шке улам.  
Илышым кычалат гын, ылышым пуышо Мый Шке улам.  
Волгыдым кычалат гын, тўнялан волгыдо Мый Шке улам.  
Чыным кычалат гын, Мый Шке чын улам.  
Корным кычалат гын, Мый Шке корно улам.  
Пылпомышко нангайышым кычалат гын, Мый ўшан вўдышө Шке улам.  
Вара мо верчын, молан Мый декем толмет ок шу?  
Ала Мый декем толаш от тошт?  
Мый декем толмо весе деке толмо деч куштылго.  
Ала тый Мый дечем йодаш лўдат? Инанен йодшым көм яра колтышым?  
Ала тыйым языкет ок колто? Языкет гычын сулен налашак Мый колышым.  
Ала тый языкем шуко манын лўдат? Мыйын поро кумылем языкет дечат шуко.

Эй, орлыкышто ылыше-шамыч, нелым ужшо-шамыч, чыланат Мый декем толза, Мый тендам тынысландарем (Мтф. 11, 28).

